



特へ 16
2752
39



門 16
號 2752
卷 39



弁州山人四部稿卷之一百六十七

吳郡王世貞元美著

說部

宛委餘編十二

姓有百家有千家若千家則姓苑所不載者多今據古人所有而頗僻者記之

東舜七友東不訾○冬燕司馬冬壽○同前涼將同

善○桐桐君○僮漢交趾刺史僮尹○彤周彤伯○

佟音同北燕佟萬○蓬北海蓬球○醜鄭大夫醜蔑○

叢南唐叢鐸○從漢將軍從成公據史記從公也○

弁州山人稿

世經堂刻

昭和十六年
十一月十九日
購求

鴻左傳衛大夫鴻聊騷○風黃帝時風后○豐狄相
豐舒○逢齊將逢丑父○松隋松贊○嵩史記嵩極
玄子○克孟子弟子克虞○中秦辨士中期○終漢
謁者終軍○戎姓苑戎律○戎漢柳丘侯戎賜○蟲
漢曲成侯蟲進○种音後漢司徒种暲○庸漢將庸
光○容徐大夫容居○公漢主爵都尉公儉○功晉
功景○宮虞大夫宮之奇○弓唐狀元弓嗣業○邛
周封人邛疏○崇唐進士崇穎○儂宋賊儂智高○
雄舜友雄陶○脂中大夫脂習○蕃漢北海蕃莊○
詩後漢徵側夫詩朱鳶○尸齊相尸臣漢又商鞅師

尹佻○師漢善書師宜官○彰宋人彰班○斯吳剡
縣吏斯從○茲魯大夫茲無還○茨晉人茨芘又漢
桂陽太守茨先○遲古賢者遲任○卑漢北平太守
卑躬又後漢太傅掾卑整○裨鄭大夫裨諶○麋蜀
將軍麋竺○儀齊大夫儀楚○宜左傳陳大夫宜咎
○移漢弘農太守移良○怡周人怡峰本姓默改為
怡○其漢陽阿侯其石○旗漢九江太守旗光○岐
黃帝時岐伯○慕漢將軍慕雋○兀音宋三司使兀
贊○僖魯大夫僖負羈○希三輔決獄希海○猗秦
猗頓○惟後魏桓皇后惟氏○肥趙相國肥義○賁

肥音期思侯賁赫○飛商臣飛廉○非風俗通非子○
 斐音晉人斐豹○犀魏相犀武○提晉臣提彌明○
 兒漢御史大夫兒寬○釐後秦釐豔○離離晏○易
 黎音刁達之後避難改○幾韓大夫幾瑟○箕晉大夫
 箕鄭○稽秦人稽黃○彌魯大夫彌牟○餘晉人餘
 領○孟晉人孟丙○邗漢上谷太守邗侯○史晉大
 夫史駢○輿後魏輿珍○紆後秦始平侯紆邈○盱
 集仙傳盱烈○俱鎮北將軍俱起延○駒漢驥侯駒
 幾○渠左傳御人渠孔○璩唐進士璩抱朴○絢宋
 進士絢紡○蘧衛賢大夫蘧瑗○須魏大夫須賈○

苴漢貨殖傳平陵苴氏○沮黃帝史官沮誦○爰舜
 時爰斨音斨○洙音洙宋進士洙頎○如魏陳郡丞如淳
 ○絮女居切漢捕賊掾絮舜○鉏晉人鉏麇○塗漢諫
 議大夫塗禪○壺漢上大夫壺遂神仙傳壺公○狐
 晉大夫狐偃○辜宋進士辜甫○呼漢仙人呼子先
 ○吾漢廣陵令吾扈○烏齊大夫烏鳴枚○初宋賢
 良初房○芻牛哀病而化虎其後改為芻氏○疏漢
 太子太傅疏廣少傅疏受○扶漢廷尉扶嘉○苻秦
 主苻洪○巫漢冀州刺史巫捷○母唐右補闕母嬰
 炯音炯○懷漢尚書郎懷叙○開齊大夫開府○哀新國

將哀章○臺漢侍中臺崇○萊晉將萊駒○來後漢
功臣來歙○媯音圭文士傳媯覽○邾孔子弟子邾異
○注音圭漢大鴻臚注丹○危唐刺史危仔昌○纍晉
七輿大夫纍虎○邳漢將軍邳彤○丕晉大夫丕鄭
○枚漢大夫枚乘○騅晉大夫騅歙音船○眭音雖漢人
眭夸○為漢南郡太守為昆○夔石燕太保夔騰○
梧音裴漢卜者梧塑○真漢太尉長史真祐○神漢騎
都尉神曜○仁漢彭城仁氏○賓齊大夫賓須無又
賓媚人○頻漢酒泉太守頻暢○鱸宋大夫鱸朱○
芸晉大夫芸賢○云漢諫議大夫云敞○鈞漢侍中

鈞喜○勤魯大夫勤成○閻廣平閻氏○忻五代進
士忻彪○郇王莽時郇越○綸魏臣綸魚○芬晉大
夫芬質○渾鄭太守渾罕○昆齊長士昆辨音奔○賁音奔
魯有賁浦漢有賁光○益齊大夫益成括○門後魏
門文愛○屯蜀法部尚書屯度○敦衛醜人敦洽○
恩慕容燕東庠祭酒恩茂○根六國時根牟子○寒
後漢博士寒朗○干宋大夫干肇○瞞左傳司徒瞞
成○贛音贊漁陽賢贛授○樂晉卿樂書○環楚賢士
環淵漢河東太守環饒○郇音環唐男子郇模○管音奸
唐河東節度使管崇○簡音奸漢淮南王將簡忌○蘭

漢武陵太守蘭廣○音開史記濟南蒙滑音開氏○丹
晉大夫丹本○但音漢濟陰太守但巴○先晉大夫
先軫○鮮蜀司空鮮思明○吞音漢臣吞景雲○音錢
商大夫錢鏗○音縣齊歌者縣駒○顛晉將顛頡○
堅漢揚化將軍堅鐔○牽晉將軍牽秀○騫吐谷渾
博士金城騫包○弦鄭商人弦高○延漢京兆尹延
篤○言孔子弟子言偃○涓列仙傳涓子○縣吳中
書令縣點○淵齊大夫淵湫○然鄭大夫然明○纏
漢纏子○軒漢諫議大夫軒和○虞莊子有虞天根
○便漢少府便樂成○還音左傳還無社○泉唐右

衛大將軍泉獻誠○專齊卿專音諸音轉音○轅陳大夫
轅濤塗○爰音漢爰盎○棧漢語兒侯棧終古○原
孔子弟子原憲○源魏司空源賀○垣漢西河太守
垣恭○拳衛大夫拳彌○權唐權德輿○蛸南齊武
帝改巴東王子嚮為蛸氏○雕漢列侯雕延年○貂
齊臣貂勃○條冉閔司空條攸○僚晉大夫僚安○
聊漢侍中聊倉○要吳要離漢河南令要競○鄒音
孔子弟子鄒單○椒楚大夫椒舉○超漢太僕超喜
○拓漢大鴻臚招猛○昭楚大夫昭奚恤○朝唐拾
遺朝衛○堯後漢大司農堯暄○搖漢海陽侯搖毋

餘○鈹姚音後漢衛尉鈹期○膠商相膠鬲○庶音秦

將軍庶玉漢庶宣○巢楚大夫巢牛臣○臯越大夫

臯如○桃石趙將桃豹○勞漢瑯耶勞丙○牢漢石

顯黨牢梁○娥後魏將軍娥清○蓀音漢蓀宗○佗

音漢游俠傅佗羽○那西魏刺史那椿○過漢兖州

刺史過栩○繁音漢御史大夫繁延壽○巴後漢揚

州刺史巴祗○把音西魏梁州刺史把秀○挈衛臣

挈錯○瑕周大夫瑕禽○嘉周大夫嘉父○衙晉督

護衙傅望○花唐員外郎花季睦○宗唐博士宗欽

○蛇後秦姚萇后南安蛇氏○芳漢幽州刺史芳垂

敷○襄後漢刺史襄楷○槍趙歌者槍石○將後趙

常山太守將容○商孔子弟子商瞿宋進士商夷簡

○昌漢將軍昌稀○穰齊大司馬穰苴○雙後魏將

軍雙仕洛○萇周大夫萇弘○羌晉將軍羌迪○棠

齊大夫棠無咎○郎唐霍王參軍郎餘令○狼晉大

夫狼暉○琅齊大夫琅愛○囊左傳楚令尹囊瓦○

傍唐初有羌豪傍企○逢音古善射逢蒙○芒魏相

芒卯○倉黃帝史官倉頡○蒼漢江夏太守蒼英○

印漢御史大夫印祗○鄜音廬江人今臨淮有此姓

又音○皇魏善書皇象神仙傳皇初平○庚唐太常

博士庚季良○更魏臣更羸○恒楚大夫恒思公○
 衡唐金部郎中衡守直○弘衛大夫弘演○閔漢辛
 臣閔孺○崩音朋漢南山盜備宗○瓶漢太子少傅瓶
 守○明宋祭酒明山賓○鳴晉大夫鳴犢○冥漢丞
 相史冥都○經晉人經曠○營周卿士營伯漢京兆
 尹營邵○訇音轟關中流人訇琦○青趙義士青莽豫
 友○聲左傳蔡大夫聲歸生○征宋進士征復○徵
 吳太子率更令徵崇○承漢侍中承宮○城戰國臣
 城渾○稱漢新山侯稱忠○冷韓大夫冷向漢四望
 侯冷廣○靈晉餓人靈輒漢功臣靈常○羸秦姓也

後漢有羸公治○星羊續妻星重女○登後漢左馮
 翊登道望○騰梁孝行騰曇恭○繪漢列侯繪賀○
 郵漢郵長倩○由秦大夫由余○猷衛臣猷康○摻
 鳩音漢功臣摻廣德○求漢隱士求仲○攸燕尚書攸
 邁○舟晉大夫舟之僑○媯衛嬖人媯始○州衛大
 夫州吁晉大夫州綽○脩漢屯騎校尉脩炳○秋宋
 中書舍人秋當○不音浮晉汲郡人不準○彪衛大夫
 彪夫○區音既漢中郎區博○句音鉤史記句彊○緱陳
 留緱氏女○投漢光祿勳投調○翫音侯梁四公翫
 杰○侵漢扶風太守侵恭○尋晉人尋魯○郭周大

夫鄆昭○鐔音尋蜀太常鐔丞○箴衛大夫箴莊子○

謚陶侃母謚氏○參唐進士參開○柳音琛晉江夏柳

寶○臨趙秦州刺史臨深○琴魯人琴張○禽禽滑

釐墨翟弟子○聃宋臣聃啓○嵐梁四公嵐闖嵐一作

音攜闖○琛音去吉郊春秋郊子○僖周大夫僖翩○藍中山

大夫藍諸○函漢豫章太守函熙○旣音漢汎勝之

晉汎毓○鹽北海相鹽津○潛宋進士潛有成○苦

魯家臣苦夷○黔古黔敖○鉞音筭秦大夫鉞虎○鞏

晉大夫鞏朔○子魯叔孫車士子鉏商○梓魯大夫

梓慎○訾漢樓虛侯訾順○始秦軍侯始成○市漢

淮南中郎市佩○氏五代梁將氏延賞○是吳是儀

○蛾音蟻晉大夫蛾析○錡音擬漢錡華後漢錡嵩○倚

楚史倚相○被戰國大夫被瞻○如新章功侯如豐

○俟古賢人俟子○尾戰國信士尾生○洗隋譙國

夫人洗氏○邙音漢上郡太守邙社○禮衛大夫禮孔

○理殷大夫理徵○里晉大夫里克○彌音尼後漢

彌衡○已漢太常卿已茂○杞齊杞植○啓燕將軍

啓倫○弭王莽時弭彊○芊音米秦襄王母芊太后○

圍春秋大夫圍公陽○禹齊禹氏女○羽鄭大夫羽

頡○栢音先賢傳栢氏○莒漢維氏令莒誦○萬音矩漢

游俠萬章○巨漢荊州刺史巨武○豎鄭大夫豎拊
 ○主主父偃○柱列子有柱厲叔○處漢北海太守
 處興○旅漢昌平侯旅卿○汝晉大夫汝寬○序後
 漢序淵○莽音母漢重合侯莽何羅○堵鄭人堵敖叔
 ○虎漢合浦太守虎旗○苦漢會稽太守苦灼○古
 蜀功曹古牧○戶漢有男子戶尊即○扈趙將軍扈
 輒○所漢大夫所忠○楚宋上將軍楚昭輔○府漢
 司徒掾府悝○輔晉大夫輔躒○改秦大夫改產○
 亥晉賢人亥唐○藹齊南海太守藹煥○采漢將軍
 采皓○委漢太原太守委進○音委魯大夫寫氏○

闖音委國語闖大夫○音委晉大夫為伯章○音委遠音楚

大夫遠子馮○音危隗音上漢西州上將隗囂○壘趙將

壘澄○鬼五帝相鬼史區○隱漢河間太守隱翁○

忖魯臣忖巳○罕鄭卿罕虎○音音晉西中郎將晏

清○滿魏滿寵○音濕棧音上魏任城棧潛○簡魯大夫

簡叔○音便後漢謁者亶誦○散周大夫散宜生○扁

免餘○音聲神醫扁鵲○勉漢上郡太守勉昂○免衛大夫

漢京兆尹雋不疑○善唐博士善興望○展魯大夫

展禽○蹇秦大夫蹇叔○蹇宋進士蹇綬○圜秦圜

全上

稱○卷陳留太守卷基○蛸音老子弟子蛸淵○菀
 齊大夫菀何忌○偃漢偃恭○匡漢匡皇后○矯晉
 大夫矯文居○矯音漢人矯慎○繞秦大夫繞朝○
 庠音趙大夫庠賈○佼後漢山陽盜佼強○保周文
 正傅保申○棗後漢學士棗據○老宋臣老佐○道
 楚大夫道朔○我六國時處士我子○假漢假蒼○
 冶衛大夫冶塵○養楚廐尹養由基又孝子養奮○
 彊後漢諸生彊華○掌涼將軍掌據○仇掌梁四公
 仇音啓又孟母○壤孔子弟子壤駟赤○蕩宋大夫
 蕩意諸○黨魯大夫黨氏○党宋太尉党進○猛晉

大夫猛獲○冷徐州刺史冷道○丙漢丞相丙吉○
 邴晉大夫邴預○賴鄭大夫賴考叔○永列仙傳永
 石公○幸晉術士幸靈○省宋大夫省臧○井周大
 夫井利○有孔子門人有若○友後漢美人友通期
 ○酉魏人酉牧○醜後漢醜長○鈕晉人鈕滔其母有文
 ○糗漢嬴長糗宗○曰宋家人曰任○斜偷上五代
 處州刺史斜滔○后漢少府后蒼○郈魯大夫郈昭
 伯○後五代飛龍使後贊○苟衛將苟變○耦後漢
 侍中耦嘉○審漢歷陽侯審食其○答宋宣徽使答
 居潤○啖苻秦將軍啖鐵○減漢司隸校尉減宣○

湛漢司農湛重○奄秦大夫奄息○冉孔子弟子冉
耕○染石勒將染閔○歛姚秦將軍歛憲○檢漢句
章尉檢其○鳳僊人鳳綱○貢漢貢禹○用漢高唐
令用蚪○痛周改盛姬族曰痛○衆魯大夫衆仲○
摯後漢貨殖傳摯綱○士秦大夫士會○貳後秦平
陽太守貳塵○肆漢漁陽太守肆敏○駟漢列侯駟
鈞○智漢零陵太守智嗣○義漢內史義縱○刈宋
人刈懷○騎燕將軍騎劫○祕秦僕射祕宣○邾鄆
漢九江太守邾脩○敝齊人敝無存○次春秋勇士
次非亦曰次飛○懿秦吏部郎懿橫○世秦大夫世

鈞○棟新司馬棟竝○利漢列侯利幾○厲漢魏郡
太守厲温○薊後漢山人薊子訓○計越相計倪○
既漢安南長史既諒○冀晉大夫冀茂○御魯大夫
御叔○遇漢河內太守遇冲○豫晉義士豫讓○譽
晉平原太守譽粹○諭東晉人諭歸今改○孺魯孺
悲○具漢中山太守具褒○樹宋諸司使樹滋○鑪
楚大夫鑪金○布晉江夏布興○步吳丞相步騭晉
步揚○捕漢廣宗人捕巡○錯宋太宰錯居○度後
漢荊州刺史度尚○露漢上黨都尉露平○瓠古琴
師瓠巴○庫漢輔義侯庫鈞○附唐侍御史附得意

○務堯臣務成子○代漢京兆尹代武○賴漢交趾
太守賴先○能音奈唐京兆尹能延壽○佴音奈晉人佴
湛○介晉臣介之推○噲孝子噲鵠○豐音帶新中常
侍豐暉○帶戰國帶佗○祭音債後漢二十八將祭遵
○類宋寧德尉類演○貝晉術士貝靈該○翠漢人
翠鴛鴦○銳燕御史中丞銳管○鄒宋進士鄒士隆
○貴漢廬江太守貴遷○桂炅香炅後漢城陽炅橫
四子分姓皆音桂晉香道元○蕞孔子弟子蕞晴○
會漢武陽令會栩○謂宋進士謂準○稅宋進士稅
挺○印鄭大夫印段○慎韓大夫慎到○進漢小黃

門進儉○蘭趙卿蘭相如○論秦將軍論叔達○奮
楚司馬奮揚○員音運唐刺史員半千○頓漢人頓肅
○翰晉大夫翰胡○汗楚客汗明○馯音汗孔子弟子
馯臂○杆漢執同執講侯杆勝○杆音岸漢睢陽人杆反
○貫漢趙相貫高○觀去聲楚大夫觀起○灌漢丞相
灌嬰○爨蜀交州刺史爨琛○諫漢治書侍御史諫
忠○炭漢西京炭蚪○蔓楚臣蔓成然○賤漢北平
太守賤瓊○練宋進士練定○繇音戀漢南郡太守繇
祕○獻秦大夫獻淵○建趙幽王臣建德○戰漢諫
議大夫戰兢○照周臣照煎○召音邵漢南陽太守召

信臣○校音效唐河南士曹校傑○貌齊臣貌辨○淖
楚將淖齒○郃晉高昌長郃玳○暴漢御史大夫暴
勝之○操隋大盜操天成○漕漢任俠漕仲叔○到
後漢東平太守到質○嫪秦幸臣嫪毐○磨子思出
母磨化○霸益部耆舊傳霸栩○射漢大鴻臚射服
○望宋進士望儼○相後漢馮翊相雲○暢唐詩人
暢當○諒漢洛陽令諒輔○寔姚秦將軍寔耐虎○
浪晉青州將浪逢○伉漢中大夫伉喜○亢宋亢軫
○慶齊大夫慶封○姓漢富人姓偉昔人有以姓姓
星星者○靖唐陳留八俊靖君亮○乘漢儒林乘

弘○正魯上卿正考父又魏永昌太守正帛○令漢
中大夫令免○甯衛大夫甯武子○救漢諫議大夫
救仁○繡漢游俠繡君賞○壽新兖州牧壽良又吳
大夫壽越○鬪楚大夫鬪伯比○豆後魏將軍豆代
田○句音觀蜀左將軍句扶○闕齊大夫闕止○監宋
進士監長世○念西魏太傅念賢○玉音肅與寶玉字不同後
漢大司徒玉况○肅梁西豐侯肅正德○粟後漢魏
郡太守粟舉○僕後漢渾渠侯僕朋○沐漢東平太
守沐寵○牧漢越雋太守牧稂○木晉文人木華○
禿祝融後諸侯禿氏○鹿漢太守鹿旗○祿顓頊師

涿圖○遼漢大司馬遂竝○東晉束皙○腹趙武靈
 王臣腹擊○處孔子門人處不齊○服後漢九江太
 守服虔○後漢宣帝師腹仲翁○鞠漢太傅鞠武○
 觸趙左師觸龍○音旭漢東海太守鄙熙○燭秦大
 夫燭之武○竹漢下邳相竹曾○竺後漢擬陽侯竺
 晏○鬻周文王師鬻熊○縮魏安陵義士縮高○麴
 晉司空麴允○督漢五原太守督瓊○續舜友續牙
 漢承父侯續相如○郅漢中尉郅都○質漢貨殖傳
 質氏○室宋諸衛將軍室种○音帥晉尚書郎帥曷
 ○悉神農師悉清○漆宋郎中令漆凱之○佛音弼魯

中牟大夫佛盼○密漢尚書密忠○栗漢景帝栗夫
 人○乙燕護軍乙逸漢南郡太守乙世○姑后稷元
 妃姑氏○恤魯大夫恤由○音鬱秦國尉尉繚○勃
 梁改豫章王為勃氏○骨隨京兆丞骨儀○薩元學
 士薩天錫○笄宋進士笄深○滑衛大夫滑羅漢詹
 事滑典○髮漢東海髮福○洩鄭大夫洩駕○滌古
 賢士滌子○齧堯時賢人齧缺○揭元學士揭傒斯
 ○闕漢荊州刺史闕翊○別宋京兆別仝○列周列
 禦寇○悅慕容燕將軍悅綰○謁漢汝南太守謁渙
 ○桀論語桀溺漢襄城侯桀龍○鐵隋將軍鐵士雄

○厥漢宮人厥氏○折宋學士折彥質○舌越大夫
舌庸○頡古賢頡衛○藥後漢南陽太守藥菘○樂
燕將樂毅○約古賢人約續○索晉尚書索靖○作
漢涿郡太守作顯○恪晉郎中令恪啓○角後漢角
善叔○矍唐黃州刺史矍璋○閣唐潭州鎮將閣輔
奴○洛魏宦官洛齊○博古相馬博勞○鐸晉大夫
鐸遏寇○鄂漢安平侯鄂千秋○卓漢太傅卓茂蜀
卓王孫○濁貨殖傳濁氏○濯古賢人濯鞞○伯孔
子弟子伯虔○帛漢將軍帛敞○格漢東平相格班
○革漢黃棗侯革朱○號晉大夫號射○國宋進士

國宗元○笨漢廣陵笨融○昔漢烏傷令昔登○拊
昔齊大夫拊歸父○錫漢交趾太守錫光○夕蜀尚
書令夕斌○奭音漢北海太守盛偉姓也避諱改盛
○職漢山陽令職洪○食漢博士食于公○射音吳
中郎射慈○直漢御史大夫直不疑○易齊臣易牙
○麋音亦梁四公麋音端音○弋宋進士弋子元○翼漢
諫議大夫翼奉○勅後燕合浦公勅勤○辟音漢富
人辟子方○激漢淮南激章○棘衛大夫棘子成○
劇燕大夫劇辛○郤晉大夫郤克○糴晉大夫糴茂
○力黃帝相力牧○卽漢單父令卽費○特晉大夫

特宮○勒晉騎督勒滿○墨孤竹君墨允宋賢人墨
翟○習晉中郎習鑿齒○襲晉隱士襲玄之○隰齊
大夫隰明○集漢外黃令集一○合宋合左師即向
成也合諸侯故以氏焉○蓋音蛤漢司隸校尉蓋寬饒
○甲鄭大夫甲石甫○邾鄭大夫邾張○接漢賢人
接听○捷漢藝文志有捷子○涉晉大夫涉佗○莢
晉大夫莢成僖子○鄴漢梁令鄴鳳

明興起科甲或顯位而姓稍僻者○東御史郊族甚盛
○佟知府應龍又都督登○叢尚書蘭○衷副使貞
吉本姓哀賜改衷○師尚書達○飛郎中瀑○居同知守○

塗中丞澤民○涂布政觀○屠太保瀟勳族甚盛○吾
侍郎紳○危推官嶽○睦給事燁○葵同知璧○門
錦衣達○干進士有年○軒尚書輓○馮侍郎懋卿
○勞進士遜志○過進士鶴○戈尚書瑄○花編脩
綸東丘侯雲○余按察敬中族頗盛○昌郎中應時○
雙進士鳳鳴○裘叅政壤御史仕濂○區叅政越○
藍御史田○潛副使溟○拱進士廷臣○水進士桓
○洗侍郎光○底中丞蘊○主給事理○汝知府泰
○土進士良卿○虎大學臣○古知府文炳戶部之
賢○鄔駙馬景和憲副紳○作主事瑜○海中丞瑞

○惲聲副使魏忝議紹芳○洗主事桂奇○蹇少
師義○苑郎中圉○火同安侯真山後姓○仰布政
昇○党中丞以平○冷太僕起元○鈕副使清○後
經歷鎧○苟御史汝安○咎御史如思○湛尚書若
水○甕知府蕙○秘知縣自謙○世尚書家寶○計
郎中宗道○冀郎中國○賴憲使巽○柰通政使亨
○介副使一清○貝進士秉彝○貴進士仁○順進
士境○頓主事銳○郅中丞光先○暴尚書昭○操
給事守經○鈔知府介○夜光祿珠○况僉事照叅
政叔祺○闕知府繼羽○福都督時○漆進士汝翼

○蔚尚書綬族頤○忽大城鳴○筮給事東光○達
副使其道○僕音尚書斯○揭侍郎稽○闕禮部成
章○鐵尚書鉉○黑運判禧○墨侍郎麟○戢少叅
汝止○及侍郎宦○郊副使鼎○此外又有南陽慶
又地又植又駢又賽又圓六安奴穀城係鄖陽樹宜興
堵浙川多平利淡山陽拜均州荑廣西老竹溪皎耀
州茶如臯冒南昌錙杭州耳蘄州戰南昌辜保康緩
鄧州帥又歲麻城閻商州荔尉氏腰信陽邠洛南騫
均州處唐縣喜杞縣閔內鄉閏新鄭無松滋鎮又粟
襄陽生松滋負宜都覃裕州練又剛荊州祥沔陽曠

褒城但忠州伯寧羗凡又位白河普黃縣呼城固即
南召鷺唐縣靄鄖西庫晉州秘葉縣保安塞野萬全
亢鎮平什陝西倚廬陵維內鄉盈鎮平重高安洛江
都喜寶豐完夷陵望又稅唐縣興公安高懷慶友祥
符念解州介和順可大名靖鎮安乙又草翼城續大
約與古姓不能相當至於古帝王后妃公侯之族如
子媯汭妣姁羸巳禿妘斟芊亦鮮存者

堯姓祁其後為唐為劉為韋為范為士為伊祁豕韋
唐杜舜姓姚其後為媯又為陳為田為穰為威為法
為王為袁為轅為占為息為陸為司馬為胡毋為顓

孫子獻子鞅子芒子尚子禽子輿子寤子沮子夏子
宋第二第五第八禹姓妣其後為夏為啓又為杞為
嵇為夏侯為於越為獯鬻湯姓子其後為商為殷為
湯為甲為沃為槐又為宋為箕為正為祿為乙為奭
為微為衍為華為孔為靈為邊為句為合為牛為樂
為皇甫為事父武王姓姬其先為稷為鞠其後為管
為周為林為忌為祭為謀為毛為邢為胙為茅為樊
為甘為王為原為邴為霍為朝為狐為謝為丘為明
為郛為雍又為魯為臧為郈為孟為叔為季為展為
柳為施為為為衆為家為士為孟孫為叔孫為季孫

為臧孫為瑕立為公父為公之為公石為少施為子
服為子陽為子家為王父為子揚為子孟為子我為
子仲為意如為南又為晉為邗為應為韓為欒為郤
為苦為溫為祁為犇為曲為步為荀別為中行為智
為輔為續為羊舌為叔向為樓季為大戊為大豸為
梁其為夷吾又為衛為甯為元為常為汲為孫為彌
為析為右為南為輒為兼為子郢為王孫為賈孫為
公析又為畢為原為酈為郇為馮為魏又為蔡又為
吳為壽為季為慶忌為延陵又為鄭為段為游為國
為駟為印為罕為良為羽為曲為蘭為然為伯有為

子豐為子然為去疾為東里又為虞又為曹又為滕
又為號又為召為燕又為韓為橫為藺為龐為閻為
梁垣為董為明為子臧

齊姜姓亦呂其後為隰為望為尚為桓為懿為厲為
孝為崔為慶為賀為盧為棠為檀為丘為高為柴為
駱為左為將具為子旗為子乾為子工為子泉為子
襄為子雅為子尾為大陸為雍門為東郭為於陵又
為許為三苗

楚芊姓其後為鬻為熊為成為鬪為班為潘為囊為
孫為昭為屈為景為俞為若敖為伯比為子西為

子庚為子趙為子期

秦嬴姓其後為衙為李為裴為辛為繆為樗里為飛廉為高陵其別為莒為葛為趙為馬為主父為叔帶此僅二帝三王五伯之後其他可以類推矣後世之議婚者寧能不相犯也

世之改姓氏如莊為嚴殷為戴恒為元奭為盛以義改也理為李求為仇舅為咎籍為席弘為洪朝為晁以音改也棘為棗疎為束仲為种槩為暨熊為能鄆為曾慎為真劉為金胙為作敬為文為苟以字改也蔓落如莘橋邾郚鄆鄆鄆邵隨藤為萬洛似辛喬

朱兒會章背成召隋滕合音與字而改也亦有因一事為萬世不易之姓田千秋乘小車改為車謝服出征改射氏儀以民無上改為是劉遵考以忠諫比伍員改為員猶有源流可攷逃難山谷強氏曰潛遂失本姓一姓改為數姓者如吳橫四子守墳墓者為吳居徐者為香居幽者為桂居華陰者為炆此四姓同一吳也勾姓本避高宗諱勾濤則仍字更音鈎光祖則加金絢紡則加絲苟諶則加草句思則易字勾龍如淵則加龍此六姓同一勾也後世婚姻何自而辯又有因二音而訛者員音運俞勅救反葉音攝今從

正音甄音堅宣和唱名以堅呼之不應訛為真矣繆
或為穆遂成二姓豈源流之固異耶復姓多北人而
中國望族不可以義通者乃因所居而增諸葛則諸
縣之葛申屠則屠原之申母胡則母丘之胡間丘則
頓丘之間所謂同門而異戶也

江左門高故稱王謝其次則顧陸朱張梁武以此速
侯景之叛淮北則推崔盧李鄭崔浩宗雖滅而貴不
衰隴西之李居次唐文皇以人主之勢發忿而望不
益江左見併於隋故王謝小減瑯琊之王初在太原
上而隋唐之際太原漸貴至宋益貴是亦乘除之數

也雖然謝那得比王王自瑯琊太原為周靈王太子
後北海陳留為齊王田和後東海亦自姬姓天水九
姓為玉子比干後高平京兆為信陵君後又有出自
楚威王後者而謝無聞也王於宋也也君也天地人
一貫三為王而謝義辭謝也又凋謝也王氏二十一
望而謝二望王氏母論漢即未渡江以前而為公卿
著名者十餘人謝固寥寥也始興篳路之勲與廬陵
雍容之業又倍屣也謝安得比王

張王李趙皆黃帝所賜姓也元丞相伯顏請殺張王
劉李趙五姓漢人不許蓋亦以其多耳王氏二十一

望最貴者瑯琊太原也謝二望會稽為貴崔二望清
河博陵俱貴清河遭崔浩禍者也盧氏一望范陽李
氏十一望趙郡最貴隴西次之唐即隴西望鄭五望
滎陽為貴顧一望吳郡陸二望朱四望張十四望梁
氏所重三姓皆吳郡耳十姓之外當為劉二十五望
而彭城最貴其先陶唐氏也蕭二望蘭陵最貴趙五
望天水最貴上聲也今鮮知之楊二望弘農為貴周八望陳
徐皆六望唐五望

復姓以官名其著者司馬司空司城司徒司寇司功
伯宗正太師少師將軍冠軍太史南史內史左師

右師太祝樂正宗正少正褚既連尹清尹占尹尚方
將軍右行右宰

復姓之異者有彊梁會同蹄氏終利恭終葵氏戎眷

氏熊率且比空桐氏空相氏公脊疑公玉帶公扈滿意

公輸班公牛哀支離益彌且婆觸墨夷須默台峯涉

其帝祝其承盛傳其義行其氏長魚嬌脩魚氏林閭

翁孺將閭氏辟閭彬無鈞氏茲母還綦母張巨母霸

多于氏闔于氏須遂氏朱評漫胡母氏胡非氏肩吾

子北人氏屋廬子盧蒲弊豆盧革宥連氏闕門氏闕

門慶忌刺門氏魚孫璋經孫氏干已衍端木賜車邊

門慶忌刺門氏魚孫璋經孫氏干已衍端木賜車邊

瓜田儀茄羅氏夙沙衛昭沙掉尾鮭陽鴻羊角

袁強梁臯卜梁荷盆成括苦成郤犇老成方鉛陵卓

子勝屠公周生烈狐丘子林曼丘不擇壯丘勝蛇丘

感章仇大翼彌平氏萱侯儒白侯子安栢侯焦工婁

酒贛婁子精婁氏邾婁氏沈平猶氏金留氏三烏大

夫二州氏函冶子覺青史氏侯史光武安恭武強氏

古冶氏古口引氏五鹿充宗五鳩盧罕井氏浩星公

浩生不害左行恢滅馬矢官即太馬適育乘馬延年

巫馬期壤駟赤長兒魯右行綽右扈氏九百里九方

臯醜門于第義渠安國邯鄲淳中行說季瓜忽第五

倫第八氏大狐氏大心子成大羅洪空相機慶忌氏

沐簡氏漆雕開密茅氏羊舌肝斫胥氏落姑仲異落

下閱伯夫氏赤張枝石牛氏卽墨成北人無擇邑田

氏若虜姓所不暇載也

漢有成功恢禹因禹治水成功而少子遂以為姓有
投壺氏因中行穆子相晉侯投壺而生子因以為姓
因子產稱鄉校為師遂曰校師氏以趙衰冬日可愛
曰冬日氏伊尹生空棄曰空棄氏微子乘白馬入周
曰白馬氏三飯氏三飯繚之後大可笑也梁伯鸞自
改為運期氏後人以伯鸞為先者非真梁也

大約得姓之貴者母過於我 朱及劉李趙也
明朱姓自 高祖於今十三帝矣真王代傳前後不
下四百郡王將二十倍之矣又有閔帝二則梁太祖
父子也劉氏四百餘年至昭烈父子二十二帝其間
真王代傳以千計列侯以萬計南宋九帝五代漢二
帝北漢三帝南漢三帝劉淵劉曜弗論也李氏自唐
高祖以至末帝凡十八帝南唐後二帝一國主趙與
嬴同姓嬴三帝三王宋十七帝中間親王將相各以
百千計其次則蕭氏齊梁一族前後凡十帝親王將
相亦各百餘人及唐而宰相至八葉故非他姓可擬

也

梁時朝士有姓吉者謁尚書令何敬容卒問曰君於
丙吉幾世矣答曰如明公之於蕭何一時傳以為笑
愚以為未可非也韓退之作諱辨以騏期杜度嫌名
為辨愚以為不必辨也如夏啓之後曰啓帝沃丁之
後曰沃黃帝相力牧之後曰牧相倉頡之後曰頡冷
倫之後曰倫八元伯奮之後曰奮仲堪之後曰堪叔
豹之後曰豹顓帝子老童之後曰童八凱隤斨之後
曰斨叔達之後曰達大臨之後曰臨虞相龍之後曰
龍殷相巫咸之後曰咸傳說之後曰說周內史服之

後曰服后稷孫鞠之後曰鞠周大夫史篇之後曰篇
卿士樊皮之後曰皮王子朝之後曰朝王子狐之後
曰狐大夫封昔之後曰昔魯公子展之後曰展公孫
茲之後曰茲季孫夙之後曰夙大夫端木賜之後曰
賜費宰南遺之後曰遺大夫仲述之後曰述孔門琴
牢之後曰牢晉大夫卻犇之後曰犇號射之後曰射
傅槐之後曰槐先且居之後曰居畢萬之後曰萬
狼曠之後曰曠師曠之後曰曠匠麗之後曰麗鄭穆
公蘭之後曰蘭公孫印段之後曰段公子豐之後曰
豐公子然之後曰然衛出公輒之後曰輒公子郢之

後曰郢齊太公望之後曰望太史激之後曰激公子
駱之後曰駱大夫童刁之後曰刁楚子鬻熊之後曰
熊太子建之後曰建大夫封渦之後曰渦叔山冉之
後曰冉屈到之後曰到鬻拳之後曰拳宜僚之後曰
僚宋微仲衍之後曰衍公子樂父之後曰樂大夫猛
獲之後曰獲華耦之後曰耦吳相伍員之後曰員趙
相虞卿之後曰卿以至倉頡勾龍陸終飛廉季隨季
騶意如夷吾慶忌將具嬰齊棄疾目夷庶其祝其偃
師之類直取其名為氏此皆三代之人將何所諱耶
然則敬容殊不難答但初問為可笑耳

魏孝文下詔謂北人謂王為拓后為拔魏之先出於
黃帝以土德王故為拓拔氏土者黃中之色萬物之
元也宜改姓元諸功臣舊族自代來者拔拔為長孫
達奚為奚乙旃為叔孫賀魯為周賀葛為葛是婁為
高叱盧為祝口引為冠如稽為緩去斤為艾是賁為
封叱奴為狼吐難為山古引為侯出連為畢乞扶為
扶那婁為婁是連為連俟畿為俟又為畿可單為單
紇骨為骨沓盧為沓莫干為郃屈突為屈俟亥為亥
賀兒為兒叱利為利叱李為李柯拔為柯叱羅為羅
那莫為莫莫輿為輿費連為費費羽為羽黠弗為弗

莫盧為盧爾綿為綿解毗為毗奇斤為斤統萬為萬
統嵇為嵇安遲為安輶遲為展秘邗為邗若干為苟
咎盧為咎如先為如渴侯為紙拔略為蘇紇干為干
乙弗為乙步弗為步屋引為房車焜為車普周為周
高護為李薄奚為古吐移亦為古係前賜茂眷為茂又
為眷莫蘆為蘆又為盧丘林為林又為丘丘敦亦為
丘副呂為副又為呂叱丘亦為呂叱賴菟賴俱為就
温狐温盆俱為温阿伏阿賀俱為阿紇單紇奚俱為
紇利真楚婁俱為高是云是奴俱為是盖婁疋婁俱
為婁俟力與俟力代俱為鮑又俟力代為俟烏尤與

阿鹿桓俱為桓可地與可地延俱為延侯奴與侯伏
斤俱為侯又侯伏斤為斤費羽弗羽俱為羽黜弗燕
弗鐵弗俱為弗吐門叱門庫門俱為門阿單渴單俱
為單悉雲宥連俱為雲賀蘭賴氏俱為賀吐谷渾為
渾侯呂隣為呂步六孤為陸丘穆陵為穆阿伏干為
阿普陋茹為茹拔烈蘭為梁烏落蘭為蘭宿六斤為
宿庫若干為干扈地干為扈地駱拔為駱郁原甄為
甄若口引為寇破多羅為潘破落那為那步鹿如為
鹿阿史那為史沒路真為路譬曆辰為辰紇突隣為
隣骨咄祿為祿大利稽為郃大洛稽為稽侯伏斤為

伏壹斗眷為明步鹿斤為步獨孤渾為杜庫傳官為
庫奚什盧為盧渴燭渾為朱莫胡盧為陽温石蘭為
石烏石蘭亦為石又為烏萬鈕于與勿忸于俱為于
沒鹿回與紇豆陵俱為竇獨元既為帝姓而紇骨與
是云及景氏俱為元所不可曉

帝雅重門族以范陽盧敏清河崔宗伯滎陽鄭羲太
原王瓊四姓衣冠所推咸納其女以充後宮隴西李
沖女亦為夫人詔司徒左長史宋弁定諸州士族多
所升降又詔以代人穆陸賀劉樓于嵇尉八姓自太
祖已降勳著當世位盡王公者且下司州吏部勿充

齊州山人高... 卷之百六十一 世經堂

猥官一同四姓自此以外應班士流者尋續別敕其
舊為部落大人而皇始已來三世官在給事以上及
品登王公者若本非大人而皇始已來三世官在尚
書已上及品登王公者俱為姓其大人之後而官不
顯者本非大人而官顯者俱為族令司空穆亮尚書
陸琇等詳定務令平允因下詔為六弟聘室前者所
納可謂妾媵咸陽王禧聘故隴西李輔女河南王幹
聘故郡穆明樂女廣陵王羽聘滎陽鄭平城女潁川
王雄聘故范陽盧神寶女始平王勗聘隴西李冲女
北海王祥聘滎陽鄭懿女衆議以薛氏為河東茂族

帝曰薛氏蜀也豈可入郡姓直閤薛宗起執戟在殿
下出次對曰臣之先人漢末仕蜀二世復歸河東今
六世相襲非蜀人也陛下黃帝之胤受封北土豈可
亦謂之胡邪今不預郡姓何以生為乃碎戟於地帝
徐曰然則朕甲卿乙乎乃入郡姓仍曰卿非宗起乃
起宗也唐貞觀中上命吏部尚書高士廉黃門侍郎
韋挺禮部侍郎令狐德芬中書侍郎岑文本撰氏族
志上之先是山東人士崔盧李鄭諸族好自矜地望
雖累葉陵替苟它族欲為婚姻必多責財幣或捨其
鄉里而妄稱名族或兄弟齊列而更以妻族相陵上

惡之命士庶等徧責天下譜牒質諸史籍考其真偽
辨其昭穆第其甲乙褒進忠賢貶退姦逆分為九等
士廉等以黃門侍郎崔民幹為第一上曰漢高祖與
蕭曹樊灌皆起閭閻布衣至今推仰以為英賢豈在
世祿高氏偏據山東梁陳僻在江南雖有人物蓋何
足言况其子孫才行衰薄官爵陵替而猶印然以門
地自負販鬻松檟依托富貴棄廉忘耻不知世人何
為貴之今三品以上或以德行勲勞文學致位貴顯
彼衰世舊門誠可足慕而求與為昏多輸金帛為彼
偃蹇我不知其解何也今欲釐正差訛捨名取實而

卿曹猶以崔民幹為第一是輕我官爵而徇流俗之
情也乃更命刊定專以今朝品秩為高下於是以皇
族為首外戚次之降崔民幹為第三凡二百九十三
姓千六百五十一家頒於天下高宗顯慶四年改氏
族志為姓字錄許敬宗等以其書不敘武氏本望奏
遣禮部郎中孔志約等比類升降以后族為第一等
其餘悉以官品高下為準凡九等士卒以軍功致位
五品豫士流時人謂之勲格初太宗脩氏族志山東
著姓例降一等王妃主壻皆取勲臣家不議其族而
魏徵房玄齡李勣皆盛與為昏左右之由是舊望不

減或一姓之中更分其房某眷高下懸隔李義府為其子求昏不獲恨之故以先帝之旨勸上矯其弊壬戌詔後魏隴西李寶太原王瓊滎陽鄭溫范陽盧子遷盧渾盧輔清河崔宗伯崔元孫前燕博陵崔懿晉趙郡李楷等子孫不得自昏姻仍定天下嫁女受財數然族望為時所尚終不能禁或載女竊送夫家或女老不嫁終不與異姓為昏其衰宗落譜昭穆所不齒者往往返自稱禁昏家益增厚價

北史長孫嵩傳止言父仁為南部大人初名沙莫雄號拔拔氏而不言與魏同族無忌傳亦不載及考唐

世系表乃知仁即鬱律長子什翼犍之兄而珪之伯父也按魏與功臣世世為婚而嵩及道生為道武三代功臣之首無通姻皇族者亦可推矣第宗室傳凡神元昭穆之後即陳留衛王其裔皆疎於嵩而嵩獨別賜氏不隸屬籍何耶又考本紀但言什翼犍為鬱律次子不言沙莫雄而世系所傳必有據今世長孫與元氏婚恐不能免不避宗之譏也

宰相系又言道武時以嵩宗室之長故曰長孫氏孝文以獻帝長兄為紇骨氏次兄普氏為周氏又次兄為達奚氏又次兄伊婁氏改婁氏又次兄為達奚氏

又次兄敦丘氏為丘氏又次兄俟氏為万俟氏叔父
之後乙旃氏為叔孫氏疏族車焜氏為車氏曰十姓
不知何緣不稱拓拔及改丘氏及據孝文改達奚氏
為奚氏不應又有達奚皆不可曉

周文賜功臣姓氏寇洛若口引李弼徒何趙貴乙弗
楊忠普六茹辛威普屯王盟拓王李虎大野王雄可
頻陸通步六孤劉亮侯莫陳王勇庫汗楊蔡莫胡虜
楊紹叱利王傑李和俱宇文耿豪和稽侯植賀屯竇
熾紇豆陵王軌烏丸樊深萬紐于段永尔綿韓褒侯
呂陵田威紇干蔡祐大利稽陰氏立日陵張氏叱羅

周氏車非按周文用蘇綽改建六官而反孝文之
改姓仍為虜大可嘆也

南史俞姓在江東最為寒族梁武欲加俞藥以口為
喻力辭而止且曰江東俞錢無君子姓不可不改也
大抵六代重門第故以蔭敘為崇唐宋重學業故以
科第為重

魯昭公娶吳同姓謂之吳孟子貽譏千古劉聰雖淫
慝其取劉殷女本非同姓也若劉孝武納叔父義宣
之女而改姓殷尤可耻矣宋志高麗王女下嫁必歸
之兄弟宗族至其王徽尚仁恕讀書好士而不肯改

其俗怒其次子運諫謫之今不知何如也

楊萬里談晉于寶一吏取禮部韻書下注晉有于寶以進曰乃于寶非于也楊大喜以為一字師然余家所藏宋板晉書文選俱作于寶于今升及搜神記周禮注亦俱作于無有稱于者胡承之以為字畫相沿之訛而取于子書為證按春秋有于擘後漢有于吉寶豈其後耶然漢亦自有于定國馬知寶之不為其後也陸法言廣韻止引于擘而不及寶何法盛晉書稱寶撰晉紀及搜神記而不及于子恐未可據

惲紆憤切上聲也吾同年惲少叅光世往往呼作運

音然姓苑所不載必當作上聲又凌氏今俱作凌按廣韻凌氷凌也姓苑不載於凌韻註曰歷也水名出臨淮又為姓引吳將凌統然則今當作凌不宜作凌也姓苑廣韻皆宋板可據而三國志凌統傳又作凌侯更詳之蹇不載姓苑而下有蹇字音義同註曰姓也蜀人有之然則自蹇忠定而後皆當作蹇春秋蹇叔亦應作蹇傳寫之誤耳

有以罪改姓加以醜惡者漢馬何羅作逆馬后改為莽氏南齊巴陵王子響抗命改蛸氏梁豫章世子直以父綜逃魏改悖氏武陵王紀以僭改饜饜氏隋楊

玄感以及改梟氏唐越王貞紀王慎以不從武后改
虺氏武后復改王皇后蟒氏蕭淑妃梟氏武惟良虺
氏中睿朝成王千里虺氏竇懷貞毒氏新興王晉厲
氏

古者六畜不以名隱疾不以名而亦有不盡然者今

聊記於後如晉侯魯侯俱姬牛衛史狗司馬狗漢列

侯劉狗魏樂羊鄭伯姬蠹又公孫蠹楚將昭鼠宛射

犬榮駕鵝齊張狗敬兒初名魏皮豹子唐李猪兒北齊趙

野又元魏元野又即元又弟羅利周公姬黑肩晉侯

姬黑鬻衛公子姬黑背魯侯姬黑肱楚襄尹子黑腰

列子記黑卯元魏將軍楊大眼傳豎眼術士顏惡頭

此外又有名不善者周公忌父周侯毀隄差弗天王

泄心齊侯不辰越王不壽鄭伯髡頑曹伯射姑楚王

棄疾晉侯詭諸路子嬰兒齊侯無知又魏無知邾子

蘧除齊侯杵臼曹伯負芻羊食我魏醜夫宣太后所愛也尤可笑

丁外人蓋公主所愛單愆期蘇忿生舞陽侯樊市人武

強侯嚴不職乘丘侯劉將夜深澤侯趙將夕闕氏侯

馮解散共侯依罷師成侯董罷軍新市侯王弃之梧

侯陽城戎奴將軍任農夫單名晉侯姬仇姬驕衛侯

姬惡卿石惡魯侯姬讎蔡伯姬荒大夫公孫瘞秦相

樗里疾卿狐毛卿晏弱又離侯鄧弱參戶侯劉免郁
垠侯劉驕山原侯劉奔距陽侯劉丐東陽侯劉縱高
苑侯丙猜又嚴侯許猜平侯工師奴又黎侯召奴子
侯潰捍侯温亦又高安侯酈亦宋子侯許應音桀溺
盧醜邾疵趙奢鄒忌

灌夫人之祖姓張衛青之父姓鄭胡廣之父姓黃嵇
康之父姓奚文彥博之祖姓敬本非僻史然問之人
不能知也

匈奴單于姓攣鞮氏其大臣曰呼衍氏蘭氏須卜氏
其後冒漢姓為劉氏又為赫連氏遠屬為羯曰石氏

俱稱帝在遼東塞外為宇文氏

後周太祖出此

在北涼為沮

渠氏鮮卑其先有熊氏後最盛其在燕為慕容氏在
魏為拓拔氏皆稱帝在隴西為乞伏氏河西為秃髮
氏皆稱王慕容之先吐谷渾蠕蠕郁久閭托跋氏高
車一云匈奴種有狄氏袁氏斛律氏鮮批氏異氏奇
斤氏其族有十二姓泣伏利氏叱盧氏乙旃氏阿崙
氏莫允氏侯分氏副伏羅氏乞表氏右外沛氏突厥
阿史那氏薛延陀壹利吐氏契丹世里氏華言回紇
一云匈奴種藥羅葛氏沙陀初無氏後冒李為後唐
韃靼為奇渥温氏帝中國曰元此北虜之盛者也女

真為完顏氏稱帝曰金此東虜之盛者也
堯種為姚氏帝後秦楊氏王仇池氏種為蒲氏又為苻氏王秦吐蕃宰敦野氏此西虜之盛者也
匈奴之先稱夏后氏鮮卑慕容索虜拓拔之先稱軒轅氏苻氏之先稱有扈堯姚氏之先稱有虞女直之先稱肅慎或傳或真未可必也

蒙古七十二種

阿刺刺○扎刺兒歹○忽神忙兀歹○瓮吉刺歹○晃忽攤○永吉列思○兀魯兀○郭兒刺思○別刺歹○怯烈歹○秃別歹○八魯刺忽○曲呂律○也

里吉斤○扎刺只刺○脫里別歹○塔塔兒○哈答吉○散兒歹○乞要歹○列木歹○顏不花歹○歹列里養賽○散术兀歹○滅里吉歹○阿大里吉歹○兀羅歹○別帖里歹○蠻歹○也可抹合刺○那顏吉歹○阿塔里吉歹○亦乞列歹○合忒乞歹○木里乞○外兀歹○外抹歹○阿兒刺歹○伯要歹○担吉歹○外刺歹○末里乞歹○許大歹○晃兀攤○別速歹○顏不草歹○木温塔歹○忙兀歹○塔塔歹○那顏乞台○阿塔力吉歹○忽神○塔一兒○兀魯歹○撒术歹○滅里吉○阿火里歹○

扎馬兒歹○兀羅羅歹○別帖乞乃蠻歹○荅荅兒
歹○也可林合刺○瓮吉歹○木里歹○忙古歹○
外秣歹乃○朶里別歹○入憐○察里吉歹○八魯
忽歹○哈荅歹○外刺

色目三十一種

吟刺魯○欽察○唐兀○阿速○秃八○康里○苦
里魯○刺乞歹○赤乞歹○畏吾兀○回回○乃蠻
歹○阿兒渾○合魯歹○火里刺○撒里哥○秃伯
歹○雍古歹○蜜赤思○斡力○苦魯丁○貴赤○
匣刺魯○秃魯花○哈刺吉荅歹○拙兒察歹○秃

魯八歹○火里刺○甘木魯○徹兒哥○乞失迷兒

金人姓氏

完顏漢姓曰王○烏古論曰商○乞石烈曰高○徒
單曰杜○女奚烈曰郎○兀顏曰朱○蒲察曰李○
顏蓋曰張○温迪罕曰温○石抹曰蕭○奧屯曰曹
○孛术魯曰魯○移刺曰劉○斡勒曰石○納刺曰
康○夾谷曰全○裴滿曰麻○尼忙古曰魚○斡准
曰趙○阿典曰雷○阿里侃曰何○温敦曰空○吾
魯曰惠○抹顏曰孟○都烈曰強○散荅曰駱○呵
不哈曰由○烏林荅曰蔡○僕散曰林○术虎曰董

○右里甲曰汪

舟州山人四部稿卷之一百六十八

吳郡王世貞元美著

說部

宛委餘編十三

昔人謂右軍書不識偏傍因閱字書聊識以備攷証
 一知柱切有所識而記也一思二切下上通也一普
 祈切右疾也一甫勿切左疾也一居月切鈞逆也一
 知衛切鈞識也一余制切柁身貌一呼旦切山岩可
 居者一室檢切因一為屋也一女危切倚也一林之水
 切二水流也一公會切小流貌一古會切水流貌一

齒緣切川流也。鄭凌切冬寒水結也。普姦切引也。牛居周切相。以支切流也。上於近切匿也。七甫王切受物器也。上下體切邪。經有所挾藏也。厶相咨切奸邪也。山彌山切交覆深屋也。凸曲也。音同。門亡狄切覆也。又音同。門卜也。音同。什魚俺切癡貌。儿而真切仁人也。勺布交切累也。凡是俞切鳥短羽飛也。又余忍切長行也。彳丑六切小步也。于耻錄切步止也。是丑略切乍行乍止也。口干非切回也。尸節也。阝仕轉切二節也。虛火乎切虎文也。山口范切張口也。自多回切小塊。众力搖切累塹為牆也。郟渠今切亭。

弇州山人四部稿卷之一百六十八

吳郡王世貞元美著



說部

宛委餘編十三

昔人謂右軍書不識偏傍因閱字書聊識以備文証。知柱切有所識而記也。一思二切下上通也。ノ普祈切右戾也。一甫勿切左戾也。一居月切鈎逆也。レ知衛切鈎識也。厂余制切衲身貌。厂呼旦切山岩可居者。广室檢切因厂為屋也。疒女危切倚也。林之水切二水流也。厶公會切小流貌。厶古會切水流貌。厶

齒緣切川流也。鄭凌切冬寒水結也。普菴切引也。斗居周切相以支切流也。上於近切匿也。七甫王切受物器也。上下體切邪徑有所挾藏也。么相咨切奸邪也。山彌山切交覆深屋也。凸曲也。音同。門亡狄切覆也。又音同。門卜也。音同。伋魚俺切癡貌。几而真切仁人也。勺布交切褻也。几是俞切鳥短羽飛也。及余忍切長行也。彳丑六切小步也。于耻錄切步止也。彳丑略切乍行乍止也。口千非切回也。尸節也。巴仕轉切二節也。虛火乎切虎文也。山口范切張口也。自多回切小塊。众力搖切累塹為墻也。邻渠今切亭。

也。頁下結切頭也。眙形遇切左右視也。乞吉乙切求也。又為去既切雲氣貌。由甫勿切鬼頭也。亏禹俱切於也。夔補葛切足有制也。少作可切左手也。臼居六切兩手捧物也。多先廉切毛飾畫文也。巧苦道切氣欲舒出。万上礙於一也。髟比聊切長髮貌。又有恠而可笑者。懸貌。了音同。舌相誑也。胡了切皆倒書。感音悖。二惑相倒也。韻引作感而楊用脩証之。必欲從感。會石鼓文也。字書不收。皆一正一倒。止地達切蹈也。又反止也。繼絕也。二字皆反。左啻居况切。乖也。從二臣相違。卯於直切。按也。一正一反。並音。

闢蹈也上正下反左此七字縱於理無礙亦何異於夷狄之書執同文之化恐不爾也

玉篇卷末有字形相犯者余聊為摘其一二人所常知與不必用者皆略之台台

上徒賢反寘塞諂諂上天牢反疑也滔滔上天牢反

下支鼓反置也諂諂下丑冉反媚也滔滔水也下胡

感反也睚睚上七余反關睚冷冷上魯打反寒冷打

上都冷反擊也桶桶上他孔反器也凍凍上都弄反

下摘莖反打聲也桶桶下古岳反椽也凍凍水凍下得

紅反椽椽上七弓反木名也台台上下與之反遺也

暴雨椽椽下七江反打鐘也台台上下與之反遺也

覓覓上古典反竹通木琢琢上音篆壁上文絮絮上思

下侯辨反覓覓琢琢下陟角反琢石絮絮上思

據絮下抽歎歎上苦感反能言敗敗上武中反和也

短茅下公姓咀咀上慈洽反罵也浚浚上息遺反小

言言上偃反偃反下語挺挺上他鼎反挺持囚囚上得

動也下似甲甲上吉押反兵甲標標上洛戈反理也

由反禁人甲甲下女洽反取物標標下力美反食器

汗汗上胡幹反熱汗脛脛上五鼎反直視也筆算上

彌及取魚下賢及水名脛脛下胡定反腳脛也筆算上

博計反既算販販下普班反目白凸凹上音怪又音

窳窳又

偶檢字書有二字三字四字合作一字者聊為記之

示示明視也三三丁沃切厚理古岳切說文云二

行德義圭圭古哇切四圭曰田田說文或作或

日光義圭圭古哇切四圭曰田田說文或作或

倉州山人高

平磯念碑徒專音宮戶陰冬若門休溺適其他山
夕牲頁風觀魚鱗目夕品口双炒巧言言公并並羈字
音釋俱見前

右書據以為後周衛元嵩述唐蘇元明傳李江注楊
元素由秘閣傳本鏤行而張昇以授楊揖者也愚謂
此即素撰或張昇撰而托者也卦下每作重疊文難
字而攷之廣韻玉篇則易曉其旨甚淺而理不甚悖
又經傳註若出一人手故以為宋人作也凡唐以前
偽書其理駁而時有精旨其文雜而古其字奇而存
不可識者今皆反之故以為宋也三墳乾坤鑿度俱

然惟穆天子傳竹書紀年汲冢周書吾斷以非秦漢
人不能也

穆天子傳中多奇字異物或不可解者今備載之以
俟參考

國名鄘巨音切鳥余音馬居禹知之平珠余赤烏曹奴

留骨鸚韓剖問智氏闕氏胡氏濁繇骨飢重鎰臣蒐

留昆陵翟畢○許○毛○井○霍○逢○郟○盛○

邢○曹○因氏囂氏變渡地名温谷樂都漆湫縣圃

樂野沙衍蘇谷長淡新多曠原南鄭圃鄭桑野房子

經林兔臺櫟丘富丘相其軍丘雀梁羽林虎牢留祈

...

麗虎勃丘寘軫九阿丹黃黃竹首臺五鹿樂人甘○
盛門重壁壺端澤寒淑丘祭馬主道臺才尺野王
○鹽山名陽紆崑崙鷓鳥積石礪山春山群山鐵山
苦黃鼠奔山温山戎山瓜纏積山文山屢山采石長
沙焚留陽紆繇雷首黃空髡山鉏山塗山曲山薄
山水名犀沱赤水滲澤枝洿珠澤洋水黑水玄池潏
水滔水覆瑯澡澤溼水濩澤大沼洧水漸澤黃澤曲
洛榮水涇水漯水姑繇樂池濟河人名郿栢絮井利
梁固郟父栢天郊父造父耿脩芍及膜畫居慮豐隆
長季綽○戲○逢固潛時温歸無鳧高奔戎○命懷

諸軒駮鼠畢矩歸遺箇箇叅百緡奴孔牙毛班逢固
井公孟念逢公伊扈女聽女列叔姓盛狗名重丁徹
止藿猥來白龍狗獸名白狐玄貉赤豹白虎俊倪野
馬印印距虛牝牛豪馬豪牛豪羊鳥名鶴雞白鳥青
鵬草名藿葦莞蒲茅首蕪萋荅董木禾木名模莖姑
繇瑤名玉果璿珠燭銀躡銀銀馬黃金之膏金鹿玉
名枝斯璿瑰瑕瑤琅玕玲瓏无瓊玕琪徹尾倅韶費
縹玳珮器服名繒縹絺葛曾圭瓊采黼驪驥
出疑臺 帶字 縹 疑 吳 時 際 疑 邊 亦 古 岑 疑 陵 今 古 成
切米石 山 縹 今 西 有 渠 搜 鉏 似 鐘 而 頸 長 丙 也 音

家作槐年表作魏不可考也凡婚姻婦字皆從右豈其意欲抑女德耶抑重右如左承相為右不相之類也

楊用脩云漢司隸楊厥碑選通石門選字洪适亦不識為何字愚按選即鑿字也鑿省作選又作選者以近代乙如匝作迺匹作迺匝作迺陋作陋謂之隸變古有此例于祿字書可考洪适蓋以六書求之而不得所謂知常而不知變也唐人書葉法師碑宋人書杜詩禹鑿寒江之句皆以鑿為選

九經有筆墨字無硯字有燭無燈有醯無醋有麩無

麩又無茶及豉

字同而音異者莫過於二禮左氏亦有之故記於後

周禮羞其肆託歷反賈師奠音定其賈列以列音劍舍水攝

而載果音裸若大甸音田遂狸音埋之音之凡酒脩音滌酌音酌以

八簋音占春入學舍音釋菜音菜錫樊音盤前音子奠音奠鵠

纓音秋繩音孕而芟之無以為戒將六反欲其眼音穩也音也

舟欲頎音懇典音珍犀甲七屬音注以攔音練為灰音凡行奠

停音水○老牛之角紆而昔音錯畏音隈也者必撓暴內陵

外則壇音蟬之音之綱音元惡馬音作六軍之士執披音方寄

赤友音懸氏音冥○冥音覓氏音馬○馬音夷使則介之音則春音蠢以

功○弓而羽音綱

禮記急繕改反其怒○載音戴青衿○審端音術術音天

子乃鮮音獻羔開水○饗音帝有樂○流示之禽而鹽

音諸利○柔色以温於之○再命音韜衣○立容

辨音貶母諂○盛氣顛田實揚休○必與公主為賓音債

變和之美儀草木茂區古衛音趨數音速煩志○

號以立橫古曠反名之曰建其索禮有報保毛而

樂有反○廉肉如又反節奏燔燎羶馨薌○百官進餒

徹之○秋之為言愁子留反孚音浮尹旁達○以挾拘古

反而退○然後辨音徧殺○以策音彗血勿沒驅○大夫

則綏受之○為壇善位○天王登假避病革極小功

不允他外反設披彼義反君即位而為捍蒲歷反歛般請以

為封彼驗反其中追退然○聖人耐能夏反父弗暴忌炮

取豚若將非接捷以太牢○弗身踐剪二爵而言言

魚斤報赴葬者虞○省仙善反於其君○離師不提底

心○武王克殷反及高○爵弁純側其反衣○御者差

七何沐于堂上○加偽惟荒○相彼盍渴旦○衣服

以移昌氏反之○二筭為純全

左氏一介介趙孟視蔭陰免問而代之句漬豆及堂

卑而稅脫之○輅五塔反素伯○鬪穀反如口於菟○盟

卷之二十一 世經堂刻

欽廉孟○宿古患而出之○晉師夾泝維而軍○

呼呼賀反呼賀役夫○乃祖吾誰被視不可含尸暗封求

付具○稅總服終身○有鞫考窮乎○陳葵不羨血

苑於元何忌○俟於黨掌氏之蒲公羊三日不汙流

戎曼蠻盟於昧蔑倪黎未力考未朝○盟于孟虛打劫

丁有鶴權鴿未巢穀梁已偵田矣○公殺其世子在爾

瀧水之瀧雙句讀之讀豆肅爽之爽霜月氏之氏支

角里之角祿汨羅之汨博縣又汨羅之汨密水不其

之其箕也裴肥也吞姓之吞天魯般之般班先零之

零憐邑樊於期之於鳥赤市之市市台怡獻尊之獻

荷姑射無射之射益溥池之池馱令居之令連邑寧

馨之寧甯疆場之場易選儒之儒軟盟津之盟孟國

土之土度燧繳之繳夕繁延壽之繁備方與縣之方

防枹鼓之枹孚單于之單蟬綸巾之綸關犧樽之犧

梭率更之率律平反之反平聲牢愁之愁曹風裁之

裁去聲奉朝請之請去聲尸解之解單衆生之衆中

落魄之魄拓隱几之隱印提撕之撕西滑稽之滑骨

服匿之服避椎結之結髻濡水之濡九休屠之屠儲

莫躡之躡故酒鎗之鎗攬槍之槍俱鎗戲下之戲麾

卷之二十一 世經堂刻

卷之二十一 世經堂刻

卷之二十一 世經堂刻

卷之二十一 世經堂刻

釐公受釐之釐俱僖旁魄之魄薄旖旎之旎儻天苴
之苴巴褒余之余斜玄端之端冕妖蠱之蠱治三紅
之紅絳鬱隆之鬱蓋日施之施移須搖之搖史伊帆
之帆祈旖旎之旎旎柴池之柴差操差之操參丰獻
之獻希無慮之慮問義臺之義儀遁巡之遁遠焯人
之焯庖翮幅之幅翻餘汗之汗于烏亘之亘桓輪邊
之邊扁宛拳之宛鬱團焦之焦標揣靡之靡摩華聊
之聊駟中盾之盾允淫預之淫濫川欄之欄棟炫爚
之爚曜個倡之倡悵鬱壘之壘律都龐之龐龍煇
星之煇崔阜比之比皮徙縣之徙縣沙羨之羨庚費

禕之費蜚虔劉之劉廬宛句之句劬倪來之來熬商
顏之顏崖負尾之負陪涪漢之漢灘井幹之幹韓
關弓之關灣羨門之羨延澆水之澆蹊茄下之茄荷
烏旄之烏鴉洛陽令諸於之諸遊角亢之亢剛陳蔡
不羨之羨郎僕區之區既涑水之涑澗汎勝之汎帆
隋星之隋安不可不知也

若奉朝請之請唐詩又作平司馬之司不相離之相
俱作廝音入聲十之音謀平轂其他票姚之音驃鷄
伍員之員音運越席之越音活華而皖之皖音活隆
準之準音拙假借之假音嫁凝脂之凝音佞巢縣之

巢音剿朴胡朴之朴音浮睡眦五懈仕懈二反甄之音堅中興之中錦帆之帆俱去聲此則可通用者也
○太守之守廷評之評不知古何以作去聲尚書之尚不知後何以作平聲大鴻臚古音為鴻廬今若依古稱當作一笑正月之為征音避秦始皇也始皇之時改端月想天下凡正音皆改耳曲逆之逆音佞則因陳平封而易者也

二字俱非正音者欵乃澳靄委蛇逶迤万俟木其冒
頓沒突可汗克寒關氏臘脂龜茲丘慈允吾鉛芽但
免但問宿留秀溜嫪毐勞靄彳亍躑躅汴防侯什方

也也酈食其異饑金日磾密低牂牁臧哥般若針惹谷

繇事遙茶首茶茂兩方良兩斯沾賜規控揔空忽盧

維二水也翎翹犀比隆慮林間於戲烏呼良佳隈惟

嶧隗推頹蠓螺偃傳梁闇諒陰辟倪睥睨魁結推髻

身毒捐竺慮虎盧夷朱提殊時取慮趙閭惡池澤池

谷蠡鹿離枹罕夫謙行氏奉精格澤胡各

吳孫休創八字名其子靈苻迄冀觥舜賢鉅莽昱

舉羸褒樊唐武則天製十二字壘照穴天塋地也

日因月○星肅君忠臣匡人黨戴率年正正後於宣

和書譜復得七字庚載國團初鑿證釐授璧聖匪

神州山人高卷之百十八十四

生南漢劉岩自製龔為名音儼唐武宗創乃宀二字以
試王僕射起言臣於三教書字所不識者同穆王傳
齋門二字耳向者二字群書未見
李廷尉之改變籀文蔡中郎之雜用分篆王右軍之
損益鍾張蓋愈妙而愈失其真也蕭子雲改易字體
邵陵王綸別行偽字愈不足言矣前上為草能傍作
長邵陵書也百念為憂言反為變不用為罷追來為
歸更生為蘇先人為老隋朝俗書也今唯甦字有書
者餘俱不行

晉避司馬昭為韶音至唐尚呼昭穆作韶穆宋始改

正耳東漢都洛陽火德王避洛字水尅火故為雒陽
隨以魏周齊不違寧處文帝惡之故去走為隋見李
涪刊誤楊用脩獨云昭穆之昭本音韶亦有據也涪
又云近歲精用文者以僅為近書舅甥之甥不從男
止書生字旁求為傍求繆為謬馬廐作廐薦作薦隋
今作隋如故洛雒繆謬尚通他不爾也

峯惠字戰國策音如此書姚宏以為武后時傳寫極
有理而實革作唐史釋音釋武后字內峯字云古字
見戰國策又幽州僧行均作均韻訓詁亦以此二字
皆古字或武后自有所據也葉文莊水東日記云正

舟州山人稿卷之二十一
統乙丑會試錄內天皆作芟地作峯聞出中音而今
部刻試錄皆不然蓋部錄乃翻刻之本而文在是科
進士恐不謬也

爹徒可反吳人謂父為奢却後復收入陟邪反云巴
人呼父為爹今吳人實稱爹不稱奢也按唐中宗稱
實從一為國奢則京師人稱乳媪父實為奢耳豈吳
音前後殊耶閩人謂子曰囡謂父曰郎罷江右謂子
曰崽崽子改切西南夷女人自稱曰娣徒娣音巴人
自稱曰阿陽陽者我也

古人以糞為矢今人却以矢為屎屎自音斯呻吟聲

也男子之陰曰勢又曰陽今吳中人却以鳥卵之外
呼之而遂多諱其字通海內名鳥卵曰彈去聲何也

沈約始為四聲韻以平上去入分清濁高下自謂靈
均以來未始有觀而梁高祖雅不好之問周捨曰何
謂四聲捨對曰天子聖哲是也帝竟不能遵用陸厥
與約駁論甚苦後至隋儀同劉臻等過陸法言論及
聲韻以今聲調既自有別諸家取捨亦復不同吳楚
則時傷輕淺燕趙則多傷重濁秦隴則去聲為入梁
益則平聲似去又支脂魚虞共為一韻先仙尤侯俱
論是切欲廣文路自可清濁皆通若賞知音即須輕

重有異因取呂靜韻集夏侯該韻略陽休之韻略周
思言音韻李季節音譜杜臺卿韻略等叅仁之當時
遂有法言撰本長孫訥言箋註而同撰者為劉臻顏
之推郎魏淵盧思道李若蕭該辛德源薛道衡後又
有郭知玄緒正朱箋三百字關亮薛峒王仁煦祝尚
丘孫恂嚴寶文裴務齊陳道固各增加字至宋成廣
韻二萬六千一百九十四字沙門神珙又有四聲五
音九弄反紐圖其序略云聿興文序反切為初一字
有訛餘音皆失又云欲反字先須紐弄為初一弄不
調則宮商靡次昔有梁朝沈約創立紐字之圖皆以

平聲碎尋難見唐又有陽甯公南陽釋處忠撰元和
韻譜以文約義俱詞理稍繁尋求難顯乃列五圓圖
為五聲圖每圖皆從五音字行皆左轉中有註說之
又列二方圖為九弄圖圖中取一字為頭橫列為圖
首日題傍正之文以別之譜曰平聲者哀而安上聲
者厲而舉去聲者清而遠入聲者直而促傍紐者皆
是雙聲正在一紐之中傍出四聲之外傍正之自此
而分清濁也東方喉聲何我剛鄂語可康各西方舌
聲丁的定泥寧亭聽歷商方送聲詩識之合止示勝
識北方唇聲邦利電北墨明楚中央牙聲更硬牙

格行幸亨客自神珙之切行而韻字並明矣元周氏
之譏約乃以中土治音而勝之又欲以三蔽而奪四
聲尤可笑者然其所舉平聲如靴在戈韻車邪渡嗟
却在麻韻靴不押車車却協麻元暄鴛言褰馬俱不
協先煩翻不協寒山却與鬼哀同押其音何以相着
仄不協揮杯不協裨毒不協糜雷不協羸必呼毒為
埋雷為來方與哈協如此呼吸非鳩舌而何伯清之
所自持未必是而其所攻未必非也

明興 高帝召儒臣宋濂等論之曰韻學起於江左
殊失正音有獨用當併為通用者如東冬清青之屬

亦有一韻當拆為二韻者如虞模麻遮之屬皆當改
正後纂集成書大約依三衢毛居正論凡獨用併為
通用者如微之與脂魚之與虞欣之與諷青之與清
覃之與咸尾之與旨語之與虞隱之與軫迴之與靜
感之與謙未之與志御之與遇焮之與稔徑之與勁
勘之與陷迄之與術錫之與昔合之與洽是也有一
韻拆而為二麻字韻自奢字以下馬字韻自寫字以
下禡字韻自籍字以下是也又有以中原雅聲正者
如冬鍾第二韻俱併入東韻江第三入陽韻挑出元
字等入先韻翻字殘字等入刪韻之類是也其字畫

如醞有味及有薦藉也○肺附如肺之附肝也○睚
眦睚舉眼眦目匡也○伏管質錕也○奏厠奏向也
○淮南王焚惑百姓焚迴繞也○校獵以木相貫為
闌校遮獸也○苞從言跋苞從恣也見相如賦與苞
從人主二義○卞射又試卞角力也○腐刑腐木不
生實也○媒藥媒酒教也藥酒麴也齊人名麴餅曰
媒○伐閱謂功伐閱歷也○李陵傳張空拳馬遷傳
作空拳拳弩也空拳無契之弩也戰國策控拳與拳
同拳攘臂繩也○籍甚狼藉甚盛○相駁執意不同
如馬駁色○按堵按次第堵堵牆壁不動也○鈎距鈎

酒

致其情距閉之不能去也○漿酒霍肉視肉如漿視
肉如霍霍豆葉也○鈎盾弄田宴游之田天子所弄
也○城旦春旦起行治城春○鬼薪取薪給宗廟為
鬼薪○白粲擇米使白○酎金八月嘗酎諸侯出助
祭金三重醇釀為酎以薦廟○弃繻繻帛邊關出入
裂繻頭以為合符也○楹擊擊古手腕字○虎落外
蕃若今時竹虎也○擘張手張弩也蹶張足踏弩也
○尺籍伍符伍符五五相保之符也○原廟者再作
廟也○些筭限些早筭乃得為吏筭十萬也○卒更
者正卒後一月一更踐更者出錢雇貧者後月二千

日踐更過更者例人各三日戌邊出錢三百入官官
爲給戌是爲過更○暴室掖庭之室取曝曬衣也薄
室同○張歛供帳也○羸糧檐糧也○頭會箕歛從
人頭數出穀以箕歛之○同產子養昆弟之子爲子
者○流庸流民出外爲傭也○緡錢武帝時計人貲
千錢出二十也○橋度矯托上命而固爲邪也○泛
駕猶覆駕○緩頰徐言也○較然昭然也○濯歌擢
歌也○期門微行與期於門下也○執金吾金吾鳥
名主辟不祥○戊巳校尉諸干皆有正位唯戊巳奇
治言其於西域無定居也○五兵矛戟弓劍戈也○

舳舻舳船尾持柁處舻船頭刺棹處也○闌茸闌下
也○茸細毛也○少從進孰者少年從使之入空進
成熟之言○積竹杖合竹作杖也○畔換反易也又
強恣之貌○蘧蔭觀人顏色而爲佞也○閹人精氣
奄閉也○周法遮禽獸圍陣也○短長術趣彼爲短
歸此爲長○衰然進也又盛服貌○繇蕞立竹及茅
索管之習禮也○感槩感而立節槩也○門牡所以
下閉者也以鐵爲之○雉經俛頸閉氣而死若雉○
劍琢當作孺劍鼻玉也○首鼠兩端鼠首一前一却
也○涓人潔也人主潔除之人○張湯治方中掘地

爲阮一方曰方○爰書爰換也以文書換口辭也○
乾沒豫居物以待之得利爲乾失利爲沒○琅璫長
鎖也○安息國橫行爲書記橫行者西域胡書體也
○尉薦謂安尉而薦達之也○犀利堅利也○股弁
股戰若弁弁謂撫手也○馬復令養馬免徭賦也○
子午道謂南北道也○鉤箒鉤如鉞箒卽竹箒校書
可入而不可出也○副刑去頰旁毛也○葭莩之親
蘆箒中白皮至薄者也○甲令謂首篇也○陵夷言
如丘陵之下平也○譙樓樓名一名譙又爲巢樓亦
有巢車俱言其高也○豬其宮室豬謂畜水汗下也

○盱衡眉上曰衡謂舉揚目也○趙后自繆繆紋也
居虬反○清狂者脉不濁不狂似狂也○樵蘇樵取
薪蘇取草也○榜掠榜一曰筭格擊也○請室請罪
之室也○下走僕役也○願山錢如犯徒不能入山
伐木聽月出錢三日也○齧郝之馬良馬低頭口至
郝故云○牛衣編亂麻爲之○文無害言無比也一
曰害勝也無能傷害之也後說近似然吾以爲無咎
無罪之類乃當耳○後世疇爵邑疇者等也言不復
減也○胥靡胥相也靡隨也聯綴之使服役也○祺
祝祺求子之神也○藏錢之府天子曰少府諸侯曰

私府○先容出鄒陽傳言蟠木得為天子器以左右
先為之容容雕飾也○不得要領衣要及領也凡持
衣者先執之○羽檄重迹押至押至言相因而至也
○侵牟言如牟賊之食苗也○罌罌謂連闕曲閣也
以覆重刻垣墉之處又闕之屏也○赤仄錢子紺錢
也以赤銅為其郭筭錢如榆筭也○李陵令軍持一
半冰讀曰判大片也○百金祝贈終者衣被也○紫
泥天子六璽皆以武都紫泥封○趙熹傳鹿車風俗
通曰車窄小裁容一鹿○回穴紆曲也○白越越布
也○姑息姑且也息安也○稽故謂稽留以事故○

伍伯一曰五百五當也百道也使之當道驅除也○
烽燧燧烟也夜望烽書望燧○苛政苛小草也言其
繁細○投繯以繩為繯胡丈反○敗北北方幽隱之
地故軍敗者曰北○匈奴徑路刀金留犁撓酒徑路
匈奴寶刀留黎飯匕也撓攪也○牢盆牢價值也盆
鬻鬻鹽盆也○伏臘秦德公始為伏祠曰伏者金氣伏
藏之日也臘說文云冬至後祀百神曰臘○尚書機
衡北斗魁星第三為機第五為衡於天文喉舌也○
水牌激水以鼓之當作橐○熊經熊身不動而迴顧
學其法○巫覡男曰覡女曰巫○結恨三泉三泉者

小數之終言深也極深為九泉○毳毼毛席也○投
 蜺霓之散亂者也主天下怨○欽頤曲領也折頤折
 鼻莖也○鈗鑽說文曰鈗鉚也蓋椎鑿之類酷刑也
 ○貫行謂一皆遵奉也○欵段馬欵緩也馬形段遲
 緩也○都布答布也即白疊○偃伯靈臺偃伯休師
 也○孤稜殿堂最高處也孤一名觚又八觚有稜者
 也○仞積又充仞仞滿也○露紒音即露髻也○陽
 月十月也以其無陽故反言之○露橈謂櫂在外人
 在中○侘子逐疫之人也○三互法婚姻之家兩州
 人不得交互為官也○搜牢謂牢固藏貨者皆搜取

之○叟兵蜀兵也○伊優屈曲佞媚之狀○彈暮兩
 人對局白黑碁各六先列碁相當更先彈也格五篔
 也篔有四采塞四乘五至五即格不行故謂之格六
 博用十二碁白黑相等所擲頭謂之博瓊有五采意
 錢一曰詭億一曰射意即攤錢也○和帝詔有景風
 紹封語春秋考異郵夏至四十五日景風至即封有
 神封○宴嬉言宴戲也○癸巫疍謂齊巫疍兩鼻孔
 向上天哀之故不雨○玉燭四氣和也○休嘉辟隱
 辟隱盛意○沈蓄洪水曰沈蓄古灾也○大折方澤
 之形四曲折也○職食接續而祭也○獯狂狂鬼也

○族入炊古王炊母神也○管蕭脂及香草也○鬼
趨鬼走也○蹠祭凶奴會祭所也○馬步害馬神也
○姣祭淫祀也○較俎溫祭物也○管井無水井也
○偃豬下濕地也○弁中袂終之中也○閭左之戍
初發罪人贅壻之類後閭發其閭左之人似欠明○
輿地輿取盡載也○要害於我為要於敵為害也○
督亢膏腴也余以為地名○莊壇大道也○滷鹵鹽
地也○額絢織不堪也○橫淙停水也○石菑菑雨
也○句廉水岸曲而有廉稜也○蔬魚鱸江河人食也
○委禽即奠鴈也○彌甥對父舅言也○無噍類青

州詔無子遺也○耳孫玄孫之子但耳聞也○尊章
舅姑也○旡兄也○乘龍得賢壻也出楚國先賢傳
○門子卿大夫之嫡子也○警趨警戒也趨止行人
也○倥仔倥接也仔美也姪娥亦美貌也○楚鞞即
蹴鞠也又書名○踞轉轉衣裝也○窈窕窈纖細不
滿也○櫛宏大不入也○離局遠部曲也○馬弩關
馬弩石平弩十石以上皆不得出關○烏號楚柘桑
之蔽烏棲而枝墮地不得上故號也○夏服夏后之
盛箭器也○縻弧山桑之有文者以為弓也○箕服
草似荻而細織之以盛箭也○鞞鞞堊鞞也○革筥

皮鎧也○木薦木楯也○渠荅蒺藜也○大黃肩弩也○負簡簡盛弩矢者也一曰鞬○排檄正弓弩器也○秦弩發箭處也○黃間射雉弩也○剛挂射雉弩矢也○臘劍兩刃也○簫弓末也○弣弓中央把也○淵弓閃面也○菴盧軍行宿室也○燂蠡虜軍行乾酪也○稱姪整飭也○烈卒巡人也○秉師伏兵衝擊其中也○闕剪公室關極剪斷也吾以為闕當言虧損○虔州虔殺僂也○榭邑榭手擬之也○輶輜匈奴車也○橫草之功言行草中使草偃臥也吾以為草宿故曰橫言勞苦也○武彘精兵也○疏

捕搜捕也又本作跡尋跡捕之也○臂擻側手毆人也狙擊密伺擊人也○乳藥飲鷓也○擊而殺之擊擊殺也○鞮鞞氏夷樂官也○倓蠻贖罪貨也○嘍南夷音也○象胥譯語人也○戎索夷法也○駢旄之盟牛也言大盟也○鷓綬小草色似綬也○卷施宿莽也○昌歎昌蒲菹也○是禡是菘穉耘也菘壅苗也○牝荆荆之有子者也○雕胡菰米也○新雉香草也○跋鴟即蹲鴟也○荅還離支荅還似李離支即荔枝也○槐生五日曰兔目十日曰鼠耳○慈鳩母鷄也○肅爽良馬也○燧象即火牛法春秋時

已象戰也○昆蹏好馬名注蹄研善升甌研平也甌
山如甌者也○桐馬取馬乳桐治之可食也○徼覩
取倦劇也○踣陸足蹠之也○角槍題注以角槍地
以額注地也○遙噓噓口之上下也○蹏駟馬蹄與
口也○譙呵誰何也愚以為誰何譙訶也乃明○殼
之殼嘔吐也○庶有豕乎豕解也直是反○旁午一
從一衡也又曰分布也逢蠱午猶雜沓也○鄭重信頻
煩也鄭字義無解○逋巡疑懼却退也○薄遽迫速
也○優繇謂寬容也優游同○熱服畏服也○翔實
詳實也○噤然不精明貌○攝然安也○較然昭然

也○塊然如土塊也○道爾古悠字笑貌也○馬不
適亡關西音以適為補也○地忍之地即第也○長
物賸物也○幅利利有節也其間謂毒亂也解未明
○裒誠懷誠也○縮胸不任事貌屈強不服貌二語
今鄉音尚存○此窳短弱也○警詐也工釣反○鈎
鈎破也普革反○么膺膺即麼小也○勇詬無志
分也勇胡結反○不諛諛順也○騫汗損辱也○健
羨健壯也○僕遼凡短貌○選更怯不前也○無俚
無聊也○奧滌幽汗也○離疏釋躄去蔬食釋繩襜
也○壙僚無官也○誰差人問擇人也○拓落不偶

也落魄同○交關交通也○重脰豆廔也○窳窳窳
厚也窳夜也猶長夜謂葬也○楸柎棺中靈牀也○
癘癘小兒病也○鴻寶苑秘苑秘猶秘書之苑也○
逢穎言逢土也○窾木空木也○輶輶車取溫涼義
也○頤仆顛仆也○孰嚏鼻窒也○殉身亡也○麋
至羣至也○頌禁公禁也○引繩排根引繩以彈排
擯根格也○較轆蹂踐之也愚謂當增以車蹂之始
切○詆棋毀醜也○提衡提便平也○居間居中間
為道地也○連柱連刺也○缺望愚以為卽缺望也
手槿缺以揚我惡甚明注非○縛紕屈也○接

武堂上禮也布武堂下禮也○內謁主通名者也又
曰典謁素官有典客今官有主客○侘傺失志也○
點灼讒也○坐行膝行也愚以為古人膝坐故云○
惕日貪也愚以為狎翫意○姦泣音立風疾貌○蛾
伏與蟻同○波謚言變態也○鳥眈頡伉之伉也○
標起飛火也○雲撓雲屈曲也○麻沸麻亂波沸也
○綴旒言隨風動搖也○齟齬側嚙為齟咬為齬也
○狝穰地穰也○糾纏絞索也○盤互盤結交互也
○蕭杌踈放不勤事也○落薄落魄也○方洋常洋
俱徜徉也○骯骯屈曲也○骯古委字○間編謂相間

也亂也○書檄盛書夾也○藁書半真草也○繆篆
印中篆也○監其腦謂以口咬也○視流視不端也
目留以目留也目成以目成也○搏膺椎骨也○噢
咻痛念聲也○宵貌宵貌也○心儀心向也○壯髮
當額前髮侵下而生也○泚沫言冰淚汗集垂下也
○清盧盧目童子也○面之不正視也○意烏怒聲
也○面雍樹馳夏侯嬰車中抱惠帝公主以面擁立
而馳也○魁結堆髻也○頤指以面授意也○指摘
摘動而痛也○踈盤足蹠戾不可行也○譁服卽呼
灼關西人以得杖呼爲呼灼平卓反又呼暴暴我同步

高反○粹胡粹頸也○湯墜失據而倒也○上僂有
偃也○磬折曲躬如磬也○絆變婦人有汗也○甚
口有口辨也○嚮言過言也○謹何責詞也○隊言
失言也○不誰何不惜詞也○無誰諾無可諾也○
宛舌屈舌也○關說因之而納說如行有關也漂說
浮言也食言不信前言如食而盡也○風指以指風
之也○隴服雜色服也○袒服女人內衣也○鞞常
之跗注戎服若袴而屬於跗與袴連○弁髦童子垂
髦加冠必以弁旣冠弁之○復陶棗也○衣製雨衣
也○纂組赤組絨絲也○弋綈黑繒也○窮袴有前

後襠不得通也○諸于大掖衣也椽飾盛飾也○側注冠側立而下注也○阿錫細繒細布也○跣躡輕躡無根小履也○戴勝婦人首飾也○革鞞皮履也○履綦履下飾也○都布卽荅布白疊也一曰荅布麓厚皮也○裋褐裋布長襦也童豎所着○荃細布也○厠踰近身小衫也○偏諸織成腰襻縹領也○首履履中籍也○飛翻纓以鳥尾作纓也○冠禪纒織絲爲之卽方目紗也以輕故步搖○禪衣朝服中單也○交輸割正幅使一頭狹將燕尾垂之兩傍見於後蓋裁衣法也○檐褊直裾禪衣也○綢繆衣裏

結束也○按二字從衣借以比膠結之意耳○鎧扞扞臂衣也大袷大袴也○戴徒徒卽緹鞞髮者○褚衣以綿裝曰褚○繡恰無絮衣繡爲表綺爲裏也○袿婦人上服也○羸服微服也○弋緹黑色粗帛也○祛袖口也○筭勝筭袋也○縻鞞帶也○革鞞皮履也○扉履草履也○陪昂加昂也○受齋受粥也○醕聚飲食也○腊毒食久而毒也○攻苦食啖啖作淡○具器食一盤食也○麩麥飯也○肴晷食久不上也○廝肉壞也○翠鷲鳧尾肉也胖鳥脅側肉也奧鴟脾臍也醜齧竅也○耐左氏爲再釀漢爲

舟州山人稿卷之百九
世經堂
三重釀也○桐酒以馬乳爲酒撞桐乃成也○舉白
白見驗乾也○大白大爵也罰用之○醕少飲酒薄
食口也○食酒能多飲費盡之也按蘇子赤壁賦真
本書未用食字韻出此○歡伯酒也酒吏酒糾也○
酌卽酌也○收介特卹單身民也○登下開收民版
也○斂者溫者也○折閱所閱貨價折也○辜摧占
市易也○方罫碁局間目也○進賭債也○鼎負作
力貌○汁叶也見方言○筍業虛傍立木直曰筍橫
木曰業○都盧合浦南國名其人善緣木○蘭錡兵
架也○窳窳徑廷過度也○玄弋北斗第八星名矛

頭招搖第九星名唐華蓋星覆北斗俱畫於旗也○
擗畢又撞秘皆撞而倒也○挽掬貫而刺之也○斲
猢猻類而白腰以前黑○互挂肉者○罽麗小網也音
獨鹿○方鉉轅旁以五寸鐵貫中以翟尾着之轅兩
邊恐馬相突也○左肅縣以旄牛尾置駢馬頭上以亂
馬目不令相見也○迤戛斜柱長矛也○璽弩車闌
間皮筐以安弩者也○珂瑛寶名出日南郡○毘蹄
毘卽羅也○賜夷甲名○勃盧矛名○沈虎虎頭魚
也○潛鹿鹿頭魚也○剖劓曲刀也○蚤慄狹勇也○
神藥形茹藥垂屈也○茹臭敗也又物自死曰茹○

扶掖中央屋耜也○褕裋衣輕長貌○閭易行迴轉
貌○卹削伎人如刻畫作○洪頤旌名○控桓行馬
也○沛艾馬行貌○騰遠射干皆猿類○交睛似鳧
而脚高辟火屬玉辟水旋目亦鳥名○青雲為紛紛
旗旒也○虹霓為纓纓旗上幡也○烈缺閃電也○
獮似狐青色居水中食魚今世多獮而無獮○羅鳴
陽繡擊也鳴陽即狒也○青鞞鞞雉夾尾間也○琢
卵生也乳胎生也見子繒綾不平貌要紹曲貌○窰
窰皆物在穴也躩踞動貌子蜺延首也○窰數柄四
股如虫狀也○消泐峻波也○潜鵠似鵠而大○魚

牛狀如牛陵居蛇尾有翼○徘徊房露房露古曲名
○谿子蠻中柘弩也○巨黍古良弓也○岨嶧鉏鋸
齟齬同一不合義也○唼唼唼頷也○唼咽下垂也
○麇至麇至皆羣至也○蹇脩古賢媒也○上尊稻
米一斗得酒一斗也○偏提酒注子也○婪尾酒巡
匝且盡也○卷白波言快飲而盡如卷白波賊也○
滑稽酒器也○轉注吐酒終日不已今借以擬人之
善言也○沫餗湯細花也○祖道祭黃帝子纍祖也
○濂山間不可涉者也○鑿宮湯所受命宮也○駘
蕩宮名言春時景物滿也馭娑亦宮名馬行迅疾貌

言宮之深大迅行乃徧也○朽詣亦宮名言美木盛也○蜻蛉蟋蟀也○忘歸箭也○郁穆和美貌○紫軟車輪也韓魏間方言○括揭括至也揭鷄棲木○子孟陬始正月也○筵筭筵小破竹也折草卜曰筭○理美玉也○靈氛善卜人也巫咸古神巫也○參差洞簫也○坎壈身困窮也○失職亡財物遇寇也愚以爲王逸此解誤猶言失所也○敦肱血拇背厚而拇指有血也○突夏複屋也○盛鬢前盛鬢也○曼睪潤澤其視也○鵠酸以酢治鵠鵠鳧小腊也○露鷄露栖鷄也○菀蔽菀玉也蔽博箸也○晉制犀比比

集也言晉工作簿纂箸比集犀角爲飾也○楔瑟撫瑟也○孤子之鉤以爲隱九寡之珥以爲約隱瑟隱長四十五分約卽明琴徽也九寡九子之寡母并孤子取其聲哀也甚杜撰少趣○山膏一曰熊白一曰山禾○安胡疑卽雕胡也○鍾岱近北胡地齒至之車言馬齒齊也○杜連一曰田連善鼓琴者○徽墨墨燒田也○青箴地名○左沓塵礙止也沓釜沸出也○便蛭一曰蛭螺一曰蛭淵辨士也○霜蓄霜時菜名○寒龜寒臙穴也○屈轂人名見韓子○甗以鼻搖扣跋擊獵也○魃白帟也魃黑帟也○支離善

屠出莊子○昆吾之鼎齊太公所銘功鼎也○陽盱
禹所禱河也○髡奴了反撻燒也○渠搜在金城西
陶塗在漁陽北○窾奧東南隅為窾西南隅為奧○
雙貉共祗言兩角而一本也○大第大彗星也○玄
秬黃黍黍與麥也○倭傀醜女也○沮顏焦齒臬瞶
俱四夷之狀也○鷄鹿山也○昭華之玉堯贈舜者
也○真靈一曰木也一曰玄龜也○姑射海外山名
○龜拘拆也○泝泝洗者漂絮也○天籟地籟天簫
地簫也○前者唱于隨者唱于小聲禺大聲調調
風緩貌刁刁草木動搖貌杖策舉杖擊節也○據梧

據梧木几也○宗膾胥教叢枝堯時二國也○獯
獯狙同義與猴交也○孟浪不精要也今猶有之○
弔謐至倂也○蛇蚶腹下齟齬所以行者○春然皮
骨相離聲騞然刀聲○肯骨間肉也大窾空處大卻
有際之處大輒大骨也○介削一足也○軸解木轉
心者○杙栖戲猿猴者○禪傍棺全一邊者○緋浣
衣也○鼓篋播精鼓篋也篋小箕也精簡米也○迷
陽亡陽任獨也愚按迷陽乃棘之類見騷注○哀駘
醜貌兀者削足人也闔跛偃人也支離偃人也○堪
坏神也○櫻室造而後安也言仙道○句贅頤椎也

○駢躡變疾也○編曲卽喪家織薄些也○畸人畸
於人而侔於天者也○不音躡躡也丁又音住步
止也○金鞵鞵鞵同秋也○雲華文花也○吳泉虞
淵也○飛谷日所行入道也○庖風暴風也梁元賦
○神囂囂山之丘者也仙的峰之尖射者也按地志
自有射的山○蔡嶺武當也天谷青城也○影國附
庸也○仙陀佛寺也岳珂金陀出此○曝田燒田而
種也○埵防埵水埵也防土刑也○櫛棗軟棗也一
名丁香柿○澁勒竹之有芒者也一名篋笏○夾纈
錦別名也○鷄菌卽今鷄塿也○桐乳改巢青桐有

子如乳也○壬夫玄冥之子也丁羊祝融之女也○
鹵莽耕不善也滅裂芸不善也○偏髻髻莫交切髮
覆眉也○踏柳端午走馬射柳也○形嬰骨蘭嬰麗
也蘭奸也○氈氈夷服其音兜達也○練鬣羽衣牛
臂也露卵履齒達褊上也○青頓青絲作頓也○髦
毳今紫氈羊羴今羊皮臂飾也氈氈毛布也○絁中
綸中也○采醴雀錫似甘露而非○如何九百歲一
實形如棗長五尺而甘○梔澱取魚具也○臯比虎
皮也○蛟韞馬服革以鮫皮爲之○丞道道如封函
也○虎門周師氏居漢祭酒第也○突窳屋深響也

○樁頭屋護朽也○葦榜以天榜在葦珠宮故也○
白打宮中鬪戲也○潑寒胡以水潑人效寒胡戲也
○鈇椀裁木為器裂帛為衣也○錦麝幘繡佛也○
唐梯弄梯戲也今有之○追人今分支截首戲也○
竒虫卽魚龍戲也○星施旌也○類庫露玲瓏空虛
也○拔河分明對挽競勝戲也○山都形如崑崙體
生毛人與獸鬼類也○茶首兩頭鹿也○變童崽子
皆美童也○絆變月事也○齷齒怯也○蹶船艘也
舟着沙不行○受坎坎與出同言受呵也○皜日光
白也皎月光白也○替男子白也眊女人白也皤老

人髮白葩草花白也皚雪霜白也○霍鳥羽白也○鱗
眊嶙峋也○千眠浴絲卽羊綿也○埭水埭也○甍
壞埭水衝岸壞也俗作埭○娉婉容也婷和色也○
噤斷忍口怒齒也○樾兩樹交陰也○笕以竹通水
也○糝春而復春也○罨畫籠色畫也○揎將衣也
○區蓋之間藏覆物處也○杜治謝靈運生於杜治
養之注治奉道家淨室也○六空六計也○啓嚙天
咲開翕也○義甲假爪甲也○毗劉暴樂也暴樂缺
落也覲鬢弗離也弗離叢鬢也須再解乃明○擗然
勁忿貌也○鮮扁輕疾貌○鴻洞直馳貌○繞獵相

○章皇周流也○聿皇疾貌○陸梁跳也○
如聯也○絳絲衣聲也○婉癒順靜也○貽籍蹈
籍也○紛員紛紜也○放惠彷彿也○騷殺颺颺貌
○狂譙獷狻譙獷不可附也○狻壯禽貌○揚施戍
削舉袖有裁制貌余以為衣聲也○馭還壯貌○撤
緣密而相連也○挹柶撒擗善註中制也韓註手執
貌吾以為無實據○認一作認憂貌○還律馳貌一
曰和貌○嚶霰衆聲也○錕鉞舒緩貌○惓悵即嘆
嚶寂靜也○憚漫衍凱和樂貌○阿邠腴腴舒緩貌
○頽唐暝墜貌○恢負廣大貌○殞歿舒緩貌○驟

也
○聒斂容也○婁行齷險峻貌○孛窈巧老深空貌
○絜別危貌○運衰迴旋相纏也○窄淩卑下也○
硎磨也○劫還擊觸也○縱纏引持也○佻儻寬容
貌○窳圉聲下貌○寘歟聲緩也○篋笏抑隱手循
笛孔氏○絞繫汨湟音相切磨也○按拏按藏按推
也拏索持也按推也臧柳也皆以手上下笛孔也○
撻櫟鈇愴分別節制貌○焦眇睢維目開合也○樓
棍櫟捋手撫絃貌○虺虺盛貌○傲糴疾貌○浪孟
失志貌又大聲也今孟浪非此解也○汜艷放縱貌
○雪燁急疾貌○瞋菌硯快聲鬱結不散貌○豐琅

磊落駢田磅唐皆聲四布而多貌○和囉聲相雜貌
○嘉肴充圓方圓方俎也○憬集遠行而集也○悄
菁青葱茂盛貌又峭菁鮮明貌○薈櫛摻花葉落貌
○濂窳空貌○搜搜卽颼颼也

弇州山人四部稿卷之一百七十

吳郡王世貞元美著

說部

宛委餘編十五

書畫之外古器爲重守財虜自不識丁以此爲無益
之好不知三代咸貴之周爲甚按禮天府凡國之玉
鎮大寶器藏焉若有大祭大喪則出而陳之旣事藏
之玉鎮大寶器玉瑞玉器之美者禘祫及大喪陳之
以華國若顧命陳寶則赤弓大訓弘璧琬琰在西序
大玉夷王天球河圖在東序胤之舞衣大貝鼓鼓在

西房和之弓垂之竹矢在東房武王克商周公相王
室分魯侯以大路大旂夏后氏之璜封父之繁弱陽
貨所分衛康叔以大路少帛績箴旃旌大吕分唐叔
以大路密須之鼓闞鞏姑洗又賜晉文以二路鉞鉞
彤弓魯桓公二年取郟大鼎于宋納于太廟成二年
齊侯使賓媚人賂晉以紀甗玉磬襄十二年季武子
入鄆取其鐘以為公盤十九年以所得齊之兵作林
鐘二十五年鄭入陳陳賂鄭以宗器晉伐齊齊賂晉
以宗器昭七年齊伐燕燕賂以瑤甕玉櫝聿耳晉賜
子產以莒之二方鼎十六年齊伐徐徐賂以甲父之

鼎定六年叔文子謂衛侯曰昭公之難君將以文之
舒鼎成之昭兆定之肇鑑納之擇用一馬哀十四年
向魋出於衛公父氏攻之求夏后氏之璜與之他玉
而奔齊當時非乏珠寶而所重在此自秦不師古而
茲好微矣

書畫有賞鑒好事二家其說舊矣若求其人則自人
主侯王將相以至方外衲子固宜有之張彥遠云有
收藏而不能鑒識能鑒識而不善閱翫能閱翫而不
能裝褫能裝褫而無銓次皆病也

賞鑒家

漢武帝元帝明帝靈帝魏高貴鄉公晉桓玄盧循宋
始興王劉鑑張則袁倩陸綏范曄徐爰虞翻巢尚之
徐希秀孫奉伯齊高帝劉填毛惠遠梁武帝元帝邵
陵王綸陶大中弘景朱領軍昇劉秘監之遴沈熾文
唐懷充徐僧權孫子真庾於陵法象徐湯孫達姚懷
珍范胤祖江僧寶滿騫陳延祖頌操陳後主江僕射
總姚尚書察何祭酒妥隋煬帝楊越公素薛內史道
衡諸葛學士穎柳學士訾僧智果辨才唐太宗玄宗
魏王泰薛主簿收褚大夫亮魏侍中徵李參軍德穎
平功曹儼蘇司馬最常侍郎授虞學士世南歐陽率

按三字衍

更詢韋侍郎述鍾光祿紹京歸右史季造薛少保稷
王承相方慶張承相嘉貞姚梁公崇張燕公說席補
闕巽武學士平一王秘書知逸劉參軍匪矜陸給事
堅褚學士無量馬學士懷素徐散騎嶠徐祭酒浩張
司馬懷瓘懷瓌許金吾時即穆潘御史履慎蔡金部
希寂實司馬瓚給事紹議郎蒙員外臬張郎中從申
侍郎惟素韓晉公滉陸曜僧良肅道士盧元卿高銅
官志宜溫國簿晁蕭桂州祐陳長史閣趙天水徵明
徐御史守行薛郎中邕歸侍郎登張承相延賞李承
相必李承相勉張承相弘靖李祠部瓚兵部約張主

客諗員外彥遠劉金部繹劉劍州知章李丞相吉甫
李丞相德裕裴中令度段丞相文昌韓侍郎愈馬僕
射總關為郭暉潘淑表明梁趙駙馬嵩劉千牛彥齊
胡翼南唐李後主煜吳越錢王俶宋太宗徽宗高宗
蘇參政易簡轉運舜元長史舜欽歐陽少師脩蘇端
明軾米禮部芾李檢法公麟王都尉詵劉職方涇薛
郎中紹彭趙郎中明誠劉學士敞黃校書伯思勾中
正王秘閣鞏關員外杞董廣川道劉內侍瑗米敷文
友仁吳郡王琚張觀察鉉趙臨安與懃趙鈐轄伯駒
伯驪趙朝散孟堅周義烏密金章宗趙學士秉文元

文宗趙承旨孟頫虞學士集柯博士九思倪山人瓚
楊提舉維禎 明寧獻王周憲王沈山人周吳尚書
寬陸文裕深文待詔徵明博士彭教諭嘉王太守延
陵顧御醫定芳父子

好事則唐張侍郎昌宗麟臺易之宗侍中楚客武郡
王廷秀李丞相林甫黎京兆幹王丞相涯仇中尉士
良張太常廷範宋楚樞密昭輔孫節度承佑孫驃騎
思皓李侍中煒蔡太師京章丞相惇秦少師熺韓太
師侂胄賈太師似道 明毛南寧良黃錦衣琳陸太
宰完王中翰延喆靳尚寶及邇時朱太保希孝若唐

李王宋之楚蔡 明之毛陸朱可徵兼賞鑒若乃寧
庶人宸濠嚴逆人世蕃蓋富貴貪婪之極而傍及於
此固不可以言好事也

唐神功元年五月上謂鳳閣侍郎王方慶曰卿家多
書合有右軍遺跡方慶奏曰臣十代再從伯祖羲之
書先有四十餘紙貞觀十二年太宗購求先臣並以
進訖唯有一卷見在今進臣十一代祖導十代祖洽
九代祖珣八代祖曇首七代祖僧綽六代祖仲寶五
代祖騫高祖規曾祖褒并九代三從伯祖晉中書令
獻之已下二十八人書共十卷上進上御武成殿示

群臣仍命中書舍人崔融為寶章集以賜當時舉朝
以為榮也張彥遠云高平公鎮太原不能承奉中貴
為監軍魏弘簡所忌驟言於憲宗曰張氏富有書畫
遂降宸翰索其所珍惶駭不敢緘藏料簡登時進獻
乃以鍾張衛索真蹟各一卷二王真蹟各五卷晉魏
宋齊梁陳隋雜蹟各一卷顧陸張鄭田楊董展洎國
朝名手畫合三十卷併上內獨稱陸探微蕭史圖妙
冠一時名居上品所希睿鑒別賜省覽又別進玄宗
馬射真圖手詔褒答竝收入內庫宋淳化中王文獻
子貽正嘗表進所藏書畫十五卷尋降御札云卿所

進墨蹟并古畫復遍看覽俱是妙筆除留墨蹟五卷古畫三卷領得外其餘却付卿家付者乃是王羲之墨蹟晉朝名臣墨蹟王微之畫唐閻立本畫老子西昇經圖薛稷畫鶴凡七卷開寶中楚樞密昭輔平江南有運籌功議封拜自陳願寢前命求李煜庫藏書畫上嘉其志遂以名筆僅百卷賜之往往有李主圖識暨唐賢跋尾如江都王馬韓晉公牛王右丞輞川皆在賜又太平興國中上命蘇參政易簡倅江南命搜訪書畫得千餘卷既稱旨以百卷賜之公後入翰林奏事間語及書畫勅借數十品因就賜焉真宗祀

汾陰召華陰處士种放不至問使者云臣到放所居適於草廳中看畫水牛二軸詔閱行在所得古畫四十餘軸悉賜之人之幸不幸乃如此

宋高宗幸清河郡王張俊第所進奉自金玉珠寶重器以萬計外龍文鼎一商彝二高足商彝一商父彝一周盤一周敦二周舉壘一有蓋獸耳周壘一有御寶畫十軸曹霸五花驄馮瑾霽煙長景易元吉寫生花黃居瑤雪竹吳道子天王張萱竹叢邊鸞萱草山鷓黃荃萱草山鷓宗婦曹氏蓼坼杜庭睦明皇斫脍魚寶有御書九軸趙昌躑躅鶴鶉梅竹思躑躅母雞

杜霄撲蝶巨然風鎖翠峰徐熙牡丹易元吉寫生枇杷董元夏山早行二軸李玉林泉渡水人物無御寶畫荆浩山水吳元俞紫氣星

桓玄悉哀二王顧愷之書畫之精者以自隨其它下建康後所得珠玉古器名蹟悉沈之江此一厄也梁武帝時二王以下書跡至萬五千紙後元帝江陵陷以寶劍折柱取圖籍十四萬卷悉焚之書畫古器玩稱是于謹僅於煨燼之餘得三千卷而已此二厄也唐文皇自蘭亭從殉外右軍以下古法書名畫不啻數千右軍亦一千五百紙為宗楚客安樂太平公主散

殆盡名蹟最妙者復遭岐王之火此三厄也開元天寶所收垂復貞觀之舊而安史之亂又失之此四厄也南唐元宗後主收藏圖籍萬卷尤多鍾王妙跡金陵陷同黃保儀悉火之此五厄也書畫古器物無過於宋徽宗以全盛之力收之見於宣和書譜畫譜博古圖者可謂夙絕矣而靖康之難流落兵燹殆盡此六厄也凡物無聚則無散聚不極散不重嗚呼惜哉○今人於宣和秘殿書畫有瓢印題識而二譜不載者亦未可遽以為贗也如大觀初禁天下不得傳蘇黃詞翰而宣和間以內侍梁師成請搜訪蘇文忠墨

蹟一帑定價萬錢幽人釋子所藏悉歸天上見何遠
記甚詳豈亦可以無譜例之耶

蔡條謫中所記二條其一太上即大位酷意訪求天
下法書圖畫自崇寧始命宋喬年依御前書畫所喬
年後罷去而繼以米芾輩始至末年尚方所藏率舉
千計實熙朝之盛事也吾以宣和歲癸卯嘗得見其
目若唐人用硬黃臨二王帖至三千八百餘幅顏魯
公墨蹟至八百餘幅大凡歐虞褚薛及唐名臣李太
白白樂天等書字不可勝會獨兩晉人則有數矣至
二王破羌洛神諸帖真奇殆絕蓋亦為多焉又御府

所秘古來丹青其最高遠者以曹不興玄女授黃帝
兵符圖為第一曹髦卞莊子刺虎圖第二謝雉列女
貞節圖第三自餘始數顧陸僧繇而下不興者吳孫
權時人曹髦乃高貴鄉公也謝雉亦西晉人列女謂
綠珠實當時所筆又如顧長康則古賢圖戴逵破琴
圖黃龍負舟圖皆神絕不可一二紀次則鄭法士展
子虔有北齊後主辛晉陽宮圖文書法從圖之屬大
率奇特甚至唐人圖牒已不足數然唐則度人經者
乃褚河南書字而閻博陵繪其相類多有此于今恨
眼中亦無復茲睹矣每令人短氣蓋自政和間既好

尚一行世因爲之貨賂亦為時病此則良過矣
虞夏而降制器尚象著焉後世由漢武帝汾睢得寶
鼎因更其年元而宣帝又於扶風亦得鼎款識曰王
命尸臣官此狗邑及後和帝時竇憲勒燕然還有南
單于者遺憲仲山甫古鼎有銘而憲遂上之凡此數
者咸見諸史記所彰灼者殆魏晉六朝隋唐亦數數
言獲古鼎器梁劉之遴好古愛奇在荊州聚古器數
十百種又獻古器四種於東宮皆金錯字然在上者
初不大以爲事獨國朝宋寢乃珍重始則有劉原父
侍讀爲之倡而成於歐陽文忠公又從而和之則若

伯父君謨東坡數公云爾初原父號博雅有盛名曩
時出守長安長安號多古簋斝鏡甗尊彝之屬因自
著一書號先秦古器記而文忠公喜集往古石刻遂
又著書名集古錄咸載原父所得古器銘款由是學
士大夫雅多好之此風遂一煽矣元豐後又有李公
麟者出公麟字伯時實善畫性希古則又取生平所
得暨其聞睹者作為圖狀說其所以而名之曰考古
圖傳流至元符間太上皇即位憲章古始眇然追唐
虞之思因大崇尚及大觀初乃做公麟之考古作宣
和殿博古圖凡所藏者爲大小禮器則已五百有幾

世既知其所以貴愛故有得一器其直為金錢數十萬後動至百萬不啻者於是天下塚墓破伐殆盡矣獨政和間為最盛尚方所貯至六千餘數百器遂盡見三代典禮文章而讀先儒所講說殆有可哂者始端州上宋成公之鐘而後得以作大晟及是又獲被諸制作於是聖朝郊廟禮樂一旦遂復古跨越先代嘗有旨以所藏列崇正殿暨兩廊召百官而宣示焉當是時天子尚留心政治儲神穆清因從瑣闥密窺聽臣僚訪諸左右知其為誰樂其博雅味其議論喜於人物而百官勿覺也時所重者三代之器而已若

秦漢間物非殊特蓋亦不收及宣和後則咸蒙貯錄且累數至萬餘若岐陽宣王之石鼓西蜀文翁禮殿之繪像凡所知名罔間巨細遠近悉索入九禁而宣和殿後又剏立保和殿者左右有稽古博古尚古等諸閣咸以貯古玉印璽諸鼎彝禮器法書圖畫盡在然世事則益爛漫上志衰矣非復前日之敦尚攷驗者俄遇僭亂側聞都邑方傾覆時所謂先王之制作古人之風烈悉入虜營矣觀此則博古圖書譜畫譜之外法書名畫古器尚不可勝紀不當執一而廢百明矣

唐文皇命蕭翼賺蘭亭得之大悅拜員外郎加入五品賜銀餅一金縷餅一瑪瑙碗一並實以珠內廐良馬兩疋兼寶裝鞍轡莊宅各一區以房玄齡舉得其人賞錦綵千段後數月復賜老僧辨才物三千段穀三千石

張懷瓘云書價以王羲之為標準如大王草書一百字乃敵一行行書三行行書敵一行正書至於樂毅黃庭太師箴畫贊累表告誓等但得成篇即為國寶不可計以字數近鍾尚書紹京不惜大費破產求書計用數百萬貫錢惟市得右軍行書五帋不能致真

書一字懷瓘又有估直凡五等黃帝史周宣史鍾繇張芝王羲之崔瑗衛瓘索靖王獻之以上九人第一等蔡邕張昶荀勗皇象韋誕鍾會等度德比羲並崔張之亞也可微劣右軍行書之價以上六人第二等曹喜邴鄆淳羅暉趙襲崔寔劉德昇師宜官梁鴻胡昭荀爽張彭祖張弘傳玄魏武帝曹植吳孫皓孫權應璩徐幹張昭嵇康何曾衛覬杜預楊肇樂廣劉恢司馬攸衛恒衛夫人衛玠李式王敦郗鑒郗愔桓玄王翼王導王洽王珉謝安庾翼等或奇才見拔或絕世難求並庶幾右軍草書之價以上四十三人第三

等張嘉庚亮郝超王珣戴若思王脩張翼戴安道王
玄之王疑之王徽之王操之孫興公王允之宋文帝
宋孝武康昕王僧虔謝靈運羊欣薄紹之孔琳之蕭
思話張永蕭子良齊高帝蕭子雲互有得失時見高
深絕長續短智均力敵可敵右軍草書三分之一以
上二十九人第四等張越張融陶弘景阮研毛喜僧
智永虞世南歐陽詢褚遂良等可敵右軍草書四分
之一以上九人第五等

張彥遠云書畫道殊不可混詰書即約字以言價畫
則無涯以定名况漢魏三國名踪已絕於代今人貴

耳賤目罕能詳鑒若傳授不昧其物猶存則為有國
有家之重寶晉之顧宋之陸梁之張首尾完全為希
代之珍皆不可論價如其偶獲方寸便可械持比之
書價則顧陸可同鍾張僧繇可同逸少書則遂巡可
成畫非歲月可就所以書多于畫自古而然今分為
三古以定貴賤以漢三國為上古則趙岐劉褒蔡邕
張衡後漢諸葛亮蜀曹髦楊脩桓範徐邈魏曹不興吳
之流是也以晉宋為中古則明帝荀勗衛協王廙顧
愷之謝稚穉康戴逵晉陸探微顧寶光袁情顧景秀
宋之流是也以齊梁北齊後魏陳後周為下古則姚

曇度謝赫劉瑱毛惠遠齊元帝袁昂張僧繇江僧寶

梁楊子華田僧亮劉殺鬼曹仲達北齊蔣少游揚乞德

後顧野王陳馮提伽後周之流是也隋及國初為近代

之價則董伯仁展子虔孫尚子鄭法士楊契丹陳善

見隋張孝師范長壽尉遲乙僧王知慎閻立德閻立

本唐之流是也上古質略徒有其名畫之踪跡不可

具見中古妍質相參世之所重如顧陸之跡人間切

要下古評量料簡稍易辯解迹涉今時之人所悅其

間有中古可齊上古顧陸是也下古可齊中古僧繇

子華是也近代之價可齊下古董展楊鄭是也國朝

畫可齊中古則尉遲乙僧吳道玄閻立本是也若銓

量次第有數百等今且舉俗之所知而言凡人間藏

蓄必當有顧陸張吳著名卷軸方可言有圖畫若言

有書籍豈可無九經三史顧陸張吳為正經楊鄭董

展為三史其諸雜迹為百家吳雖近可必也手揣卷

軸口定貴賤不惜泉貨要藏篋笥則董伯仁展子虔

鄭法士楊子華孫尚子閻立本吳道玄屏風一片值

金二萬次者售一萬五千自隋以前多書屏風未知

其楊契丹田僧亮鄭法輪乙僧閻立德一屏值金一

萬且舉俗間諳悉者推此而言可見流品

即此二則言之近日之鬻索靖出師頌顧愷之女史
箴者可知矣凡二王得唐臨本鍾索以下得宋搨亦
足以雄矣

馬大年攷唐秘書省有裝潢匠六人以為恐是今之
表襜而未詳潢義按姚亮叢語云潢集韻胡曠切釋
名染紙也魏賈勰齊民要術有裝潢帛法云浸藥汁
入潢凡潢帛戒白便是若染黃則年久色暗矣後有
雌黃治書法云潢訖治者使寫而後入黃辟蠹也吾
因悟黃改誤亦以帛色黃故用黃塗掩其墨而後
用筆耳今人呼表襜為裝潢蓋為馬大年所誤而好

奇之士至於白帛訛字上塗黃亦誤也唐人用硬黃
帛臨右軍書亦以右軍名蹟皆為收藏家潢過故書
黃帛以效之楊用脩謂古裝裱卷軸引首後以綾貼
褚曰暉有樓臺錦暉毬路錦暉蠲帛暉樗蒲錦暉唐
人謂之玉池故裱褙曰裝池

古器款識有二義款謂陰字是凹入者識謂陽字是
挺出者

銅器入土千年純青如鋪翠入水千年純綠瑩如玉
其色午前稍淡午後乘陰氣翠潤欲滴傳世者色紫
褐而有朱砂斑甚或斑凸起如上等辰砂趙希鵠又

云夏時器物多有細紋以金者今訛為商紋蓋相紋也引詩金玉其相楊用脩云當作鑲紋亦非相紋舜為陶器迄於秦漢今河南土中有羽觴無色澤者即此類也陸龜蒙詩所謂九秋風露越窑開奪得干峰翠色來最為諸窑之冠至吳越王有國日愈精臣庶不得通用謂之秘色即所謂柴窑也或云製器者姓或云柴世宗時始進御云宋以定州白磁器有芒不堪遂命汝州造青窑器北唐鄧耀州悉有之而汝為冠處州之龍泉與建安之烏泥品最下政和間京師自真窑燒造曰官窑文色亞於汝價亦然鈞州稍

具諸色光彩太露器極大中興渡江有邵成章提舉號邵局於脩內司造青器名內窑模範極精油色瑩徹為世所珍又宋時處州章生兄弟者皆作窑兄所作者視弟色稍白而斷紋多號白圾碎故曰哥窑我明有永樂窑宣德窑成化窑則皆純白或回青石青畫之或加綵色宣德之貴今與汝敵而永樂成化亦以次重矣秘色在當時已不可得所謂內窑亦未見有售者

蔡君謨論云茶色白宜黑蓋建安所造紺黑紋如兔毫而厚熠之久熱難冷最為要用出他處者或薄或

色紫皆不及也青白盞闔試家皆不用余偶獲一建
窰與君謨所傳合而價不能當汝十之一問之拾遺
人不知也然試茶則宜窰白而尤妙今烹法亦與君
謨不同矣
宋人刻絲法起定州不用大機以熟色經於木杼上
隨所欲作花草禽獸收以小梭織緯時先留其處方
以襍色線綴於經緯之上合以成文不相連視之如
雕縷之象故名刻絲如婦人一衣終歲方就使百花
不相類亦可蓋緯線非通絲所織也見莊季裕雞肋
此絲盛行吳中而不曉所始故記之

舊傳蒙恬始為筆或曰非也周公綏管夫子絕筆或
曰當時用漆書竹簡有點畫而無人蒙恬始為兔
毫也或又曰恬作筆拓木為管以鹿毛為柱羊毛為
被非兔毫也又博物志恬為筆以狐狸毛為心兔毛
為副心即柱也其不同乃爾昌黎毛穎傳依博物志
又右軍所著筆經略云諸郡毫惟中山兔肥而毫長
可用先用人髮杪數十莖襍青羊毛并兔毳裁令齊
平以麻紙裹枝根令治次取上毫薄薄布柱上令柱
不見又云世傳張芝鍾繇用鼠鬚筆筆鋒勁強有鋒
芒余未之信鼠鬚用未必能佳甚難得昔人用琉璃

象牙爲管重則墮矣近有人以綠沈漆管及鏤管見遺用之經年頗可愛翫右軍言故當第是時已失中原矣安能必得中山毫也又記云右軍書蘭亭禊序用蠶繭紙鼠鬚筆

博物志有虎僕毛筆嶺外少兔以雞雉毛作筆亦妙此即蘇長公所謂三錢雞毛筆也又云蜀中石鼠毛可以爲筆其名曰鼯又人鬚作筆甚佳大抵皆不足論唯兔毫其次羊毛耳

漢製天子筆以錯寶爲跗晉武賜張華麟角筆管湘東王記錄名賢忠孝全者以金管德行精粹者以銀

管文章贍逸者以斑竹管唐人詩云盛德好將銀管述

製筆之法桀者居前毳者居後強者爲刃要者爲輔參之以絲束之以管固以漆液澤以海藻濡墨而試直中繩勾中鈎方圓中規矩終日握而不敗故曰筆妙

宣城諸葛氏其先爲右軍父子製筆聞柳公權善書以舊製法筆遺之公權謂不堪用乃復更以常筆公權稱善諸葛歎曰柳學士不如右軍父子多矣

漢有喻麋墨東宮香墨鄴中三臺有曹公石墨造墨

有韋仲將墨法 冀公墨法 祖氏墨法 李超 李廷珪 墨法 潘谷墨法 麻子墨法 宋徽宗 蘇合烟墨法

造墨之妙者無過魏韋誕所謂仲將之墨一點如漆者也六朝無過張永五季無過奚超及其子廷珪廷珪在南唐賜國姓寘之水中三年不壞宋有常和沈珪陳瞻者皆妙品也張遇以龍香劑進御有隱君子王迪者止用遠烟鹿膠而自有龍麝氣當勝之至潘谷而妙駸駸乎廷珪流亞矣元朱萬初又谷流亞矣蘇浩然澣自製墨皆作松紋皴皮堅緻如玉石王迪流也至金章宗乃以蘇合油為搜烟為之遂與黃金

同價蓋墨妖耳

陶九成載墨工唐祖敏奚鼎奚起陳朗王君得柴珣南唐李超李廷珪廷寬承宴文用惟慶惟一皆超一之後耿遂仁文政文壽耿德耿盛盛匡道盛通盛真盛信盛浩宋張遇潘衡蒲大韶葉世英朱知常梁杲胡友直潘秉彝徐知常葉邦憲周朝式李世英克恭樂温恭子蒲彥輝劉文通郭忠厚黃表之劉士先俞林立攷謝東徐禧葉茂實有姓號而無名者方鏡湖有號而無姓者雪齋齊峰寓庵元胡文忠於材仲衛學古黃脩之朱萬初丘可行丘世英丘南傑有姓號

而無名者潘雲谷林松泉桂清碧可謂詳矣然始不
載韋誕張永宋不載常和沈珪陳相張孜沈晏張谷
潘谷葉谷常遇潘遇陳瞻王迪蘇澣陳昱關珪關瑱
郭遇明江通朱覲胡景純梅瞻耿德真何也士大夫
如蘇子瞻晁季一賀方回張秉道康為章皆能製墨
見何遠春渚紀聞陶以柴珣列唐而遠云國初人其
不同乃爾

黃帝有玉為墨海其文曰帝鴻氏硯漢天子用玉硯
太子賜漆石硯魏武上雜物有純銀參帶臺硯又參
帶圓硯晉武賜張華于闐青鐵硯愍帝子劉聰銀硯

柳公權蓄硯以青州石末為第一絳州者次之後始
重端歛臨洮及好事者用銅雀臺瓦為硯至有稱末
央宮瓦者然皆不及端歛次之宋高宗云端硯之有
眼病也所取惟一片純紫玉

硯以端為貴趙希鵠云端溪下巖舊坑卵石黑如漆
細潤如玉眼中有暈或六七眼相連排星斗異形又
一種卵石去臙方得材色青黑細如玉有花點如筋
頭大其點別是碧玉精潤與研質不同或有排點如
粟皆叩之無聲磨亦無聲此品南唐時已難得中巖
舊坑石色紫如新嫩脫細潤於玉有眼如小綠豆純

綠色而無暈或有綠絲紋或白絲紋如線此種亦外
有黃臙包絡叩之微聲磨亦無聲已上硯久用鋒芒
不退中巖新坑色淡紫眼如鸚鵡眼大重而緊小其
中如瞳人狀叩之老者有聲嫩者微聲磨之微聲久
用則芒退其上巖新坑皆色灰紫而麓燥眼大如雄
雞眼叩之璫然磨墨相拒作鋸聲久用鋒乏光如鏡
面不堪用又有一種九溪黎溪類端者表淡青裏深
紫而帶紅有極細潤者間有金線或黃脉直截如界
行行相間者號紫袍金帶然不發墨愈用愈光而頑
硬一種辰阮黑石色深黑質麓燥或微有小眼黯澹

不明尤為下矣此辨論甚精而微與高宗所記不合
○希鵠又云歛溪龍尾舊坑色淡青湛如秋水並無
紋以水濕之微似紫乾則否細潤如玉發墨如汎油
並無聲久用不退鋒或有隱隱白紋成山水星斗雲
月異象濕則見乾則否亦是卵石故難得大者極不
過五寸多作月研就其材也有純黑如角者蘇長公
最貴之新坑色亦青黑無紋而麓燥久用則純大有
至三尺者又有舊坑羅紋刷絲金銀間刷絲眉子四
品並青黑色紋細而質潤如玉羅文如極細羅刷絲
如髮眉子如甲痕金銀間絲亦細密久用不退磨亦

無殼新坑紋麗而質燥殼與功力反是金星新舊坑俱麗燥青色雖金星滿面拒墨如鋸久用退乏銀星亦如之又有一種金星黑石色如漆細如潤玉隱隱金星水濕則見乾則否發墨如泚油久用不退乃萬州懸金岷石也遠出歙上

江賓暘有送從子鬻研文其略謂開元間獵人葉氏得石於長城里琢為研遂聞天下山在羊鬪嶺之巘兩水夾之水盡處乃產研石有坑一曰緊足次曰羅紋今呼為舊又次曰莊基三坑相去百餘步而石品負異舊坑又自為三曰泥漿曰棗心曰綠石去舊坑

才數尺而石品復異自莊基北行二里泝溪而上曰眉子則東坡所歌者今在水底不可琢矣舊坑絲石為上斷者先去頑石次得研材然極麗曰麗麻石石心最緊處為浪出至慢處為絲愈慢處為羅紋絲之品不一曰刷絲曰內裏絲曰叢絲曰馬尾絲獨吐絲為最奇正視之踈踈見黑點如灑墨側視之刷絲粲然工人謂之研寶蓋石之精也惟棗心坑或有之他產若三衢絲黑而頑南路絲暗而黝錦潭絲浮而滑夾路絲紅而枯水池山絲枯而燥皆不宜筆墨矣論歙研與希鵠微有同異

希鵠又云洮河綠石北方最貴重綠如藍潤如玉發
墨不減端溪下巖然在臨洮大河深水之底非人力
所致得之為無價之寶余有宋孝宗所賜周益公正
此物也有御筆洮瓊二字

米元章硯史又有蒼玉硯信州水晶唐州方城葛仙
公巖石温州華嚴尼寺巖石通遠軍澆石西都會聖
宮石青州青石蘊玉石紅絛石成州栗亭石潭州谷
山石成州栗玉歸州綠石淄州石號州建溪黯澹石
夔州黥石廬山青石蘇州褐黃石要之無如端歛也
○研樣見顧愷之畫有天生疊石上刻人面者有十

蹄圓研中如鋸者有上圓下方於圓純上刊兩竅寘
筆者有如鳳字兩足者所謂風字研也右軍遺研與
畫同頭狹四寸許下闊六寸許頂兩純皆綽慢下不
勒成痕足狹長色紫類溫巖中凹成白智永研頭微
圓又類箕唐初宮中圓頭鳳池研似晉製頭純真微
凸如書鳳字左右純斜刊下不勒痕摺向頂亦然以
後工稍巧頭圓身微瘦下闊而足或圓為柱宋時變
為空高腰瘦刀闊如鉞斧之狀仁宗已前賜史院官
研皆端溪石純薄上狹下闊峻直不出足中坦夷猶
有鳳池之象或有四邊刊花中為魚為龜者凡此形

製多端下巖奇品也嘉祐末研樣已如大指麓心甚
凸意求渾厚而氣象益不古純斗故勒深滯墨難滌
心凸故點筆不圓常如三角簇蓋古研皆心凹後稍
正平未有凸者始自唐彥猷作紅絲辟雍研心高至
作馬蹄樣亦心凸援毫則非便也杭州龍華寺收傅
大夫磁研甚大磁褐心如鐵環水如辟雍之製下作
浪花擢環近足處又丹陽人多於古冢得銅硯三足
蹄有蓋不鏤花中陷又唐墓中得如蓮葉中凹兩足
如鳳池之製今土人多重端樣以平直斗樣為貴滯
墨可惜也陳文惠公家收蜀王陶硯連蓋蓋上有鳳

坐一臺餘雕雜花草涅之以金泥紅漆有字曰鳳皇
臺方直上狹筭在研上中甚平也此皆元章語

元章又自言收一青翠疊石堅響三層傍一嵌磨墨
上出一峯高尺餘頂復平嵌巖如亂雲四垂以覆硯
以水澤頂則隨葉垂珠滴硯心上有銘識事見唐莊
南傑賦乃歷代所寶也又收一正紫石四疊下有坐
有足巧於癭盃足上起一枝細狹枝上盤兩疊長七
寸餘闊四寸餘如靈芝首銳下闊天然鳳池之象中
微凹點水磨墨可書十幅紙石理在方城之右此非
人力所成信天下之瓌寶也

漢和帝時中常侍蔡倫搗故魚網作紙然倫以前有
紙按班史稱赫蹠赫音典入蹠音蹄西京雜記稱薄蹠注云
小紙也又三輔故事衛太子以紙塞鼻蔡倫後有左
子邑善造紙蕭子良云子邑之紙妍妙輝光東宮舊
事皇太子初拜給赤紙縹紅麻紙勅紙各一百唐高
麗歲貢蠻紙襯書卷日本國出松皮紙又大秦出蜜
香紙一云香皮紙微褐色紋如魚子極香而堅韌晉
武帝賜杜預萬番寫春秋釋例又水苔紙以苔為之
名側理紙晉武又賜張華萬番造博物志扶桑國出
笈皮紙中國有桑皮紙蜀中藤紙江南竹紙楮皮紙

黥歛凝霜紙浙中有麥麩稻稈紙王右軍會稽庫中
有帑九萬番悉以乞謝安宋張永所製紙為天下最
尚方不及齊高帝造銀光紙賜王僧虔段成式在九
江造雲籃紙又湘東王為荊州上武帝紙萬幅又奉
簡文紅箋二千番又云特送五色紙三萬枚吳越有
温州蠶紙烏程紙由拳紙南唐有澄心堂紙細薄光
潤為一時之甲蜀箋按成都古今記載其目曰深紅
曰粉紅曰杏紅曰明黃曰深青曰淺青曰深綠曰淺
綠曰銅綠曰淺雲凡十樣又有松花金沙流沙彩霞
金粉桃花冷金之目蜀志王衍以霞光箋五百幅賜

金堂令張蠙又有百韻牋幅長可寫百韻學士牋短於百韻薛濤牋短可書四韻韓浦詩云十樣鸞牋出益州又元稹寄薛云菖蒲花發五雲高今世所重薄則澄心堂厚則高麗繭其次則無灰連四帑若古所稱五色霞光之類尤為可惡百年後墨皆脫落書畫之類皆以紙白板心為貴

今人好古有與古異者古鼎貴大如春秋所賂與漢土中所得皆然今之貴者不過拱把而文色秀細形製精雅動則百金其大者直十不能當一也蓋古鼎用止烹飪後稍置之宗廟列之堂序以示重器至於

今則為書齋焚香之翫耳古鏡取大而花文款識異者今俱不重之唯圓小而厚或黑漆或水銀古以純素光澤為美皆取用與觀也古敦鼎兼取朱砂鵝鵝斑而今絕不貴之古不取黑漆水銀色而今絕貴之亦以觀也杯盃之類密器興而古銅幾廢者以其能易味也密有柴汝官哥定及彭建龍鈞之類柴不可得美今宣密興而與汝爭價亦以觀也古書畫重佛道次人物今重山水次人物而佛道則易之矣其法亦不甚傳也古書畫重絹素而今重紙則以經久故裝裱無斜理病也古書紙用研光紛澤而今不用以

泉州山人稿 卷之百七十一 三十一 世經堂刻

其神易脫也今玉貴漢製書真宋板墨刻貴宋搨
則如故也

